

水經注釋

ル 5
139
10



東京書
學校圖書

凡
139
10

水經注釋卷二十七

仁和趙一清誠夫錄

沔水上

沔水出武都沮縣東狼谷中

沔水一名沮水闕駟曰以其初出沮沔然故曰沮水也

縣亦受名焉導源南流泉街水注之水出河池縣東南

入沮縣會于沔一清按漢志武都郡河池縣泉街水南

而漾水注又有河池水出河池沔水又東南逕沮水戍

北谷西南入濁水別是一水也而東南流注漢曰沮口所謂沔漢者也尚書曰嶓冢導

漾東流為漢山海經所謂漢出鮒嶠山也東北流得獻

水口庾仲雍云是水南至關城合西漢水又東北合沮口同爲漢水之源也故如淳曰此方人謂漢水爲沔水故孔安國曰漾水東流爲沔蓋與沔合也至漢中爲漢水是互相通稱矣沔水又東逕白馬戍南澧水入焉水北發武都氏中南逕張魯城東魯沛國張陵孫陵學道於蜀鶴鳴山傳業衡衡傳於魯魯至行寬惠百姓親附供道之費米限五斗故世號五斗米道初平中劉焉以魯爲督義司馬住漢中斷絕閣道用遠城治因卽嶓嶺周迴五里東臨濬谷杳然百尋西北二面連峯接崖莫究其極從南爲盤道登陟二里有餘澧水又南逕張魯

治東水西山上有張天師堂于今民事之庾仲雍謂山爲白馬塞堂爲張魯治東對白馬城一名陽平關澧水南流入沔謂之澧口其城西帶澧水南面沔川城側二水之交故亦曰澧口城矣沔水又東逕武侯壘南諸葛武侯所居也南枕沔水水南有亮壘背山向水中有小城迴隔難解沔水又東逕沔陽縣故城南城舊漢祖在漢中言蕭何所築也漢建安二十四年劉備并劉璋北定漢中始立壇卽漢中王位于此城其城南臨漢水北帶通遠南面崩水三分之一觀其遺略厥狀時傳南對定軍山曹公南征漢中張魯降乃命夏侯淵等守之劉

備自陽平關南渡泗水遂斬淵首保有漢中諸葛亮之死也遺令葬于其山因卽地勢不起墳壟唯深松茂柏攢蔚川阜莫知墓塋所在山東名高平是亮宿營處有亮廟亮薨百姓野祭步兵校尉習隆中書郎向充共表云臣聞周人思邵伯之德甘棠爲之不伐越王懷范蠡之功鑄金以存其像亮德軌遐邇勳蓋來世王室之不壞實賴斯人而使百姓巷祭戎夷野祀非所以存德念功追述在昔者也今若盡順民心則黷而無興建之京師又逼宗廟此聖懷所以惟疑也臣謂宜近其墓立之泗陽斷其私祀以崇正禮始聽立祀斯廟蓋所啟置也

鍾士季征蜀枉駕設祠營東卽八陣圖也遺基略在崩
禡難識泗水又東逕西樂城北城在泗陽東山上周三
十里甚嶮固城側有谷謂之容裘谷道通益州山多羣
獠諸葛亮築以防遏梁州刺史楊亮卽嶮之固保而居
之爲苻堅所敗後刺史姜守潘猛亦相仍守此城城東
容裘谿水注之俗謂之洛水也水南導巴嶺山東北流
水左有故城憑山卽嶮四面岨絕昔先主遣黃忠據之
以拒曹公谿水又北逕西樂城東而北流注于漢漢水
又左得度口水出陽平北山水有二源一曰清檢出佳
鱖一曰濁檢出好鮒常以二月八月取之美珍常味度

水南逕陽平縣故城東又南逕沔陽縣故城東而南流
注于漢水又東右會溫泉水口水發山北平池方數十
步泉源沸湧冬夏湯湯望之則白氣浩然言能瘥百病
云洗浴者皆有硫黃氣赴集者常有百數池水通注漢
水漢水又東黃沙水左注之水北出遠山山谷邃嶮人
跡罕交谿曰五丈谿水側有黃沙屯諸葛亮所開也其
水南注漢水南有女郎山山上有女郎冢遠望山墳鬼
鬼狀高及卽其所裁有墳形山上直路下出不生草木
世人謂之女郎道下有女郎廟及擣衣石言張魯女也
有小水北流入漢謂之女郎水漢水又東合襄水水西

北出衙嶺山東南逕大石門歷故棧道下谷俗謂千梁
無柱也諸葛亮與兄瑾書云前趙子龍退軍燒壞赤崖
以北閣道緣谷一百餘里其閣梁一頭入山腹其一頭
立柱于水中今水大而急不得安柱此其窮極不可強
也又云頃大水暴出赤崖以南橋閣悉壞時趙子龍與
鄧伯苗一戍赤崖屯田一屯赤崖口但得緣崖與伯苗
相聞而已後諸葛亮死于五丈原魏延先退而焚之謂
是道也自後案舊修路者悉無復水中柱逕涉者浮梁
振動無不搖心眩目也襄水又東南逕三交城城在三
水之會故也一水北出長安一水西北出仇池一水東

北出太白山是城之所以取名矣初學記岐州引水經注曰桐池水東北流

入三交水今本無之寰宇記鳳翔府寶雞縣下云三交故城在縣西四十六里者舊傳司馬宣王與諸葛亮相拒于此因襄水又東南得丙水口水上承丙穴出嘉

魚常以三月出十月入地穴口廣五六尺去平地七八尺有泉懸注魚自穴下透入水穴口向丙故曰丙穴下

注襄水故左思稱嘉魚出于丙穴良木攢於襄谷矣襄水又東南歷小石門門穿山通道六丈有餘刻石言漢

明帝永平中司隸校尉犍為楊厥之所開逮桓帝建和二年漢中太守同郡王升嘉厥開鑿之功琢石頌德以

為石牛道來敏本蜀論云秦惠王欲伐蜀而不知道作

五石牛以金置尾下言能屎金蜀王負力令五丁引之

成道秦使張儀司馬錯尋路滅蜀因曰石牛道厥蓋因

而廣之矣蜀都賦曰岨以石門其斯之謂也隸釋司隸

文石門頌唯靈定位川澤股肱澤有所注川有所通

於漢中道由子才出散入秦建定帝位以漢祖受命與

无就艱至於永平其有四年詔書開余鑿通石門中遭

顛下則人叙寘嶺危槍履尾心寒泥常輕騎避晏木石

前慮去蔽狩蛇蟪毒罇未秋截霜稼苗之難為可具言

於是明知故司隸校尉犍為武陽楊君厥字孟文深執

忠伉數上奏請有司議駁君遂執爭百遠咸從帝用是

王升字稚紀涉歷山道推序本原嘉明燭美其仁賢
 勒石頌德以明厥勳其辭曰君德明二燭燠光刺過
 拾遺厲清入荒奉魁承構靜庶政與乾通輔主匡君
 霜無偏蕩二真離以方甯靜庶政與乾通輔主匡君
 循禮有常威曉地知卓今網言必忠義匪石厥章廢
 宏禮有常威曉地知卓今網言必忠義匪石厥章廢
 有榮節鑿龍門君其繼蹤上順斤朝極下蒼皇自南
 自北四海通君子安樂庶壯悅雍商二歎誦序曰明
 永同春秋記異今而紀功垂億載歸勤二歎誦序曰明
 哉仁知豫識難易原度天道安危所歸勤二歎誦序曰明
 林麗五官掾南趙郟字道閎都道漢疆分置伯
 書佐西成王戒字文寶主王君閣谷道關難分置伯
 部道搗特遣行丞事西公梁案察中曹卓行造南鄭魏
 萬世之基或後趙誦下就平易行者欣然焉伯玉日積
 徙署行丞事守安陽長洪氏適日華陽國志楊君名渙
 又曰漢中太守尉尉王升立碑云司隸校尉孟文和
 二年漢中太守尉尉王升立碑云司隸校尉孟文和
 水經及歐趙皆謂之楊厥碑云司隸校尉孟文和
 校尉楊厥碑云司隸校尉孟文和

兩碑皆以厥為語助此乃後政頌其勳德故尊而字之
 不稱其名順帝紀延光四年詔益州刺史罷子午道通
 褒斜路蓋從其所請也子午長安正南山名褒斜者漢
 中谷名高祖開石門史策不書亦見郿閣碑平帝時王
 莽以皇后有子孫瑞遂通子午道寇三年入益州亦關
 帝永初元年先零叛斷隴道寇三年入益州亦關中守
 乃橋梁斷絕時也自明帝永平四年通石門至永初幾
 五十年自永初衰斜斷絕至延光四年通石門至永初幾
 云石門穿山通都六丈有餘即秦人取蜀之石牛道楊
 君因而廣之蜀都賦岨以石門是也門在漢中之西褒
 中之北褒水南歷褒口北出斜谷碑以余谷為斜谷充
 為衝詆為抵北歷褒口北出斜谷碑以余谷為斜谷充
 禦縱為蹤憶為喜積為積西成為西城南即高字蓋即
 塗字疆即疆字廢即廢字磨字額題云故隸校尉辨日墨
 字疆即疆字廢即廢字磨字額題云故隸校尉辨日墨
 寶云襄城縣北五里磨崖額題云故隸校尉辨日墨
 君頌十隸字碑式云碑文六十七行司隸校尉辨日墨
 密不齊者高祖受命平關命垂筆甚長所侵兩字許
 又空二方書其下一句序曰別作行後官事凡三行
 書趙邵等三人姓名又書王府君分造屬官事凡三行
 至主畢卷二十七

未行低七字書魏伯玉徙官隸續云宣和殿碑錄以川名
為曷漢疆書考其碑云五官掾南鄭趙邵屬襄中曷漢
疆書佐西成王戒蓋二人主其事非曷漢疆書也一清
按此碑載張鳴鳳西遷注彼所親睹者憲去蔣獸是惡
蟲敝獸安危所歸是安危所繫可補隸釋之遺寰宇記
云洵陽縣心山漢宣帝時北平陽厥為漢中守經此山
有棲遁意不之郡學道感瑞見金羊因易姓羊氏蓋傳
聞之繆爾又晉書云山簡與譙郡嵇紹沛郡劉謨宏農
楊淮齊名即蜀中門在漢中之西襄中之北襄水又東
晚出碑其人也

南歷襄口即襄谷之南口也北口曰斜所謂北出襄斜
襄水又南逕襄縣故城東襄中縣也本襄國矣漢昭帝
元鳳六年置襄水又南流入于漢漢水又東逕萬石城
下城在高原上原高十餘丈四面臨平形若覆瓮水南
過水為阻西北並帶漢水其城宿是流雜聚居故世亦

謂之流雜城漢水又東逕漢廟堆下昔漢女所遊側水
為釣臺後人立廟于臺上世人觀其頽基崇廣因謂之
漢廟堆傳呼乖實又名之為漢武堆非也

又東過南鄭縣南

縣故襄之附庸也周顯王之世蜀有襄漢之地至六國
楚人兼之懷王衰弱秦略取焉周赧王二年秦惠王置
漢中郡因水名也耆舊傳云南鄭之號始于鄭桓公桓
公死于犬戎其民南奔故以南鄭為稱即漢中郡治也
漢高祖入秦項羽封為漢王蕭何曰天漢美名也遂都南
鄭大城周四十二里城內有小城南憑津流北結環雉金

塽漆井皆漢所修築地沃川險魏武方之雞肋曰釋駢
 驥而不乘焉皇皇而更求遂留杜子緒鎮南鄭而還晉
 咸康中梁州刺史司馬勳斷小城東面三分之一以為
 梁州漢中郡南鄭縣治也自齊宋魏咸相仍焉水南即
 漢陰城也相承言呂后所居也有廉水出巴嶺山北流
 逕廉川故水得其名矣廉水又北注漢水漢水右合池
 水水出旱山一清按漢志漢中郡南鄭縣旱山池水所出東北入漢寔字記南鄭縣旱山下有石池水多蓴菜即此水也山下有祠列石十二不辨其由蓋社主之
 流百姓四時祈禱焉俗謂之獠子水夾溉諸田散流左
 注漢水漢水又東得長柳渡長柳村名也漢太尉李固

墓碑銘尚存文字剝落不可復識漢水又東逕胡城南
 義熙十五年城上有密雲細雨五色昭章人相與謂之
 慶雲休符當出曉乃雲霧及覺城崩半許淪水出銅鍾
 十二枚刺史索邈奉送洛陽歸之宋公府南對扁鵲城
 當是越人舊所逕陟故邑流其名耳漢水出于二城之
 間右會磐余水水出南山巴嶺上泉流兩分飛清派注
 南入蜀水北注漢津謂之磐余口庾仲雍曰磐余去胡
 城二十里漢水又左會文水水即門水也出胡城北山
 石穴中長老云杜陽有仙人宮石穴宮之前門故號其
 川為門川水為門水東南流逕胡城北三城奇對隔谷

羅布深溝固壘高臺相距門水右注漢水謂之高橋谿口漢水又東黑水注之水出北山南流入漢庾仲雍曰黑水去高橋三十里諸葛亮牋云朝發南鄭暮宿黑水四五十里指謂是水也道則百里也

又東過成固縣南又東過魏興安陽縣南涪水出自旱山

北注之一清按觀道元釋魏興安陽之文則此條經文疑後人所續增

常璩華陽國志曰蜀以成固為樂城縣也安陽縣故隸

漢中魏分漢中立魏興郡安陽隸焉涪水出西南而東

北入漢左谷水出西面而東北入漢左谷水出漢北清

按漢志漢中郡安陽縣左谷水出北南入漢所云出北出安陽縣之北也道元注云出漢北非是即聲

水也北發聽山山下有穴水穴水東南流歷平川中謂

之聲鄉水曰聲水川有唐公祠唐君字公房成固人也

學道得仙入雲臺山合丹服之白日升天雞鳴天上狗

吠雲中唯以鼠惡雷之鼠乃感激以月晦日吐腸胃更

生故時人謂之唐鼠也公房升仙之日聲行未還不獲

同階雲路約以此川為居言無繁霜蛟虎之患其俗以

為信然因號為聲鄉故水亦即名焉百姓為之立廟于

其處刊石立碑表述靈異也隸釋仙人唐公房碑云君

綱十之故猷舉家綱五去上陟皇耀統御陰陽騰清躡

浮命壽無疆雖王公之尊四海之富曾綱五毛天地之

性斯其全貴者也耆老相傳以為至美居攝二季君為

瓜又從而敬禮之真人者遂與關期聲谷口山上乃與

神藥曰服藥以後當移意萬里知鳥獸言語是時府在

西成去家七百餘里休謁桂殊轉景即全闔郡驚焉白

之府君徒為御史聳韶輒車被具君乃畫地為獄召聳

誅無所視其腹中果有被具府君關賓燕欲從學道公所

頃無所進府君怒勅尉部吏收公所妻子公所乃先歸

於谷口呼其師告以急其師與之歸以藥飲公所妻

子曰可去矣妻子學家不忍去又曰豈欲得家俱去乎

妻曰固所願也於是乃以藥塗屋柱飲牛馬六畜須

與有大風元雲來迎公所妻子屋宅六畜倏然與俱去

昔有松崔白皆一身得道而公所舉家俱消盛矣傳曰

賢者所存澤流百世故使聲鄉春夏毋蚊蝮秋冬鮮繁

霜厲盡不遐去共螟蟻百穀收入天下莫知斯德祐之

效也道辛羣仙得潤故鄉知德者鮮歷世莫紀漢中太

守南陽郭君諱芝字公載修北辰之政馳周邵之風故

樂唐君神靈之美公為道重者名邵德厚者廟尊乃發

嘉教躬損奉錢倡率羣義繕廣斯廟闕和祈福布之北

民刻石昭音揚君靈譽其辭口剛遂享神藥超浮雲兮

郭暉字暉即鼠字學即戀字

聲水南歷聲鄉谿出山東

南流逕通關勢南山高百餘丈上有匈奴城方五里濬

塹三重高祖北定三秦蕭何守漢中欲修北道通關中

故名為通關勢聲水又東逕七女冢冢夾水羅布如七

星高十餘丈周迴數畝元嘉六年大水破墳墳崩出銅

不可勝計得一磚刻云項氏伯無子七女造墼世人疑

是項伯冢水北有七女池池東有明月池狀如偃月皆

相通注謂之張良渠蓋良所開也聲水逕樊噲臺南臺

高五六丈上容百許人又東南逕大成固北城乘高勢

北臨聲水水北有韓信臺高十餘丈上容百許人相傳

高祖齋七日置壇設九賓禮以禮拜信也聲水東迴南

轉又逕其城東而南入漢水謂之三水口也漢水又東
會益口水出北山益谷東南流注于漢水漢水又東至
灊城南與洛谷水合水北出洛谷谷北通長安其水南
流右則灊水注之水發西谿東南流合爲一水亂流南
出際其城西南注漢水所謂洛口也漢水又東逕小成
固南州治大成固移縣北故曰小成固城北百二十里
有興勢坂諸葛亮出洛谷成興勢置烽火樓處通臨漢
水東歷上濤而逕於龍下蓋伏石驚湍流屯激怒故有
上下二濤之名龍下地名也有邱郭墳墟舊謂此館爲
龍下亭自白馬迄此則平川夾勢水豐壤沃利方三蜀

矣度此湖洞從漢爲山行之始漢水又東逕石門灘山
峽也東會酉水水北出秦嶺西谷南歷重山與寒泉合
水東出寒泉嶺泉湧山頂望之交橫似若瀑布頽波激
石散若雨灑勢同厭原風雨之池其水西流入于酉水
酉水又南注漢謂之酉口漢水又東逕媯墟灘世本曰
舜居媯汭在漢中西城縣或言媯墟在西北舜所居也
或作姚墟故後或姓姚或姓媯媯姚之異是妄未知所
從余按應劭之言是地於西城爲西北也一清按困學紀聞曰舜居媯汭其後因姓媯氏左傳正義曰世本舜姓姚氏虞思猶姓姚也至胡公周乃賜姓爲媯漢水又東
逕猴徑灘山多猴猿好乘危綴飲故灘受斯名焉漢水

又東逕小大黃金南山有黃金峭水北對黃金谷有黃金戍傍山依峭嶮折七里氏掠漢中阻此爲戍與鐵城相對一城在山上容百餘人一城在山下可置百許人言其嶮峻故以金鐵制名矣昔楊難當令魏興太守薛健據黃金姜寶據鐵城宋遣秦州刺史蕭思話西討話令陰平太守蕭坦攻拔之賊退酉水矣漢水又東合蘧蔭溪口水北出就谷在長安西南其水南流逕巴谿戍西又南逕陽都坂東坂自上及下盤折一十九曲西連寒泉嶺漢中記曰自西城涉黃金峭寒泉嶺陽都坂峻崿百重絕壁萬尋既造其峯謂已踰崕岱復瞻前嶺又

倍過之言陟羊腸超煙雲之際顧看向塗杳然有不測之險山豐野牛野羊騰巖越嶺馳走若飛觸突樹木十圍皆倒山殫良岨地窮坎勢矣其水南歷蘧蔭謂之蘧蔭水而南流注于漢謂之蔭口漢水又東右會洋水川流漫闊廣幾里許洋水導源巴山東北流逕平陽城漢中記曰本西鄉縣治也一清按寰宇記洋州西鄉縣有平西城後漢書班超平定西域有功封定遠侯晉置西鄉縣于此城方輿紀要云定遠城在西鄉縣治南後漢班超封邑也亦曰平西城晉志西鄉縣治平西城注作平陽城下自城固南城南文又云謂之城陽水口事義全乖矣入三百八十里距南鄭四百八十里洋川者漢戚夫人之所生處也高祖得而寵之夫人思慕本鄉追求洋川

米帝為驛致長安蠲復其鄉更名曰縣故又目其地為
 祥川用表夫人載誕之休祥也全氏曰西鄉縣本晉置而戚夫人產定陶不聞
為蜀女胡三省曰城即定遠矣漢和帝永元七年封班
 超以漢中郡南鄭縣之西鄉為定遠侯即此也洋水又
 東北流入漢謂之城陽水口也漢水又東歷敖頭舊立
 倉儲之所傍山通道水陸險湊魏興安康縣治有戍統
 領流雜漢水又東合直水水北出于午谷巖嶺下又南
 枝分東注旬水又南逕蕤閣下山上有戍置于崇阜之
 上下臨深淵張子房燒絕棧道示無還也又東南歷直
 谷逕直城西而南流注漢漢水又東逕直城南又東逕

千渡而至蝦蟇頤歷漢陽無口而屆于彭谿龍竈矣竝
 溪澗灘磧之名也漢水又東逕晉昌郡之甯都縣南縣
 治松溪口又東逕魏興郡廣城縣縣治王谷谷道南出
 巴獠有鹽井食之令人瘿疾漢水又東逕魚脯谷口舊
 西城廣城二縣指此谷而分界也
 又東過西城縣南
 漢水又東逕鱉池為鯨灘鯨大也蜀都賦曰流漢湯湯
 驚浪雷奔望之天迴即之雲昏者也漢水又東逕嵐谷
 北口嶂遠谿深澗峽峻邃氣蕭蕭以瑟瑟風颼颼而颼
 颼故川谷擅其目矣漢水又東右得大勢勢咀急谿故

亦曰急勢也依山爲城城周二里在峻山上梁州督護
吉挹所治苻堅遣偏軍韋鍾伐挹固守二年不能下
無援遂陷漢水右對月谷口山有坂月川於中黃壤沃
衍而桑麻列植佳饒水田故孟達與諸葛亮書善其川
土沃美也漢水又東逕西城縣故城南地理志曰西城
故漢中郡之屬縣也漢末爲西城郡建安二十四年劉
備以申儀爲西城太守儀據郡降魏魏文帝改爲魏興
郡治故西城縣之故城也氏略漢川梁州移治於此城
內有舜祠漢高帝廟置民九戶歲時奉祠焉漢水又東
爲鱸湍洪波澹瀾浪雲頽古者舊言有鱸魚奮鱗遡

流望濤直上至此則暴鯽失濟故因名湍矣漢水又東

合旬水水北出旬山

一清按漢志旬陽縣北山旬水所出南入沔

東南流逕

平陽戍下與直水枝分東注逕平陽戍入旬水旬水又

東南逕旬陽縣與柞水合水西出柞溪南流逕重巖堡

西屈而東流逕其堡南東南注于旬水旬水又東南逕

旬陽縣南縣北山有懸書崖高五十丈刻石作字人不

能上不知所述山下有石壇上有馬跡五所名曰馬跡

山旬水東南注漢謂之旬口漢水又東逕木蘭寨南右

岸有城名陵城

一清按通鑑注曰晏公類要云伎陵城在金州洵陽縣庾仲雍漢水記卽木蘭

寨此文疑周迴數里左岸壘石數十行重壘數十里中

謂是處為木蘭寨云吳朝遣軍救孟達於此矣漢水又東左得育溪興晉旬陽二縣分界于是谷漢水又東合甲水口水出秦嶺山東南流逕金井城南又東逕上庸郡北與關柎水合水出上洛陽亭縣北清泥西山南逕陽亭聚西俗謂之平陽水南合豐鄉川水水出宏農豐鄉東山西南流逕豐鄉故城南京相璠曰南鄉漸縣有故鄆鄉春秋所謂豐析也於地理志屬宏農今屬南鄉又西南合關柎水關柎水又南入上津注甲水甲水又東南逕魏興郡之興晉縣南晉武帝太康中立甲水又東右入漢水

一清按漢志上雒縣甲水出秦嶺山東南至錫入沔過郡三行五百七十里

漢

水又東為龍淵淵上有胡鼻山石類胡人鼻故也下臨龍井渚淵深數丈漢水又東逕魏興郡之錫縣故城北為白石灘縣故春秋之錫穴地也故屬漢中王莽之錫治也縣有錫義山方圓百里形如城四面有門上有石壇長十數丈世傳列仙所居今有道士被髮餌術恆數十人山高谷深多生薇蘅草其草有風不偃無風獨搖漢水又東逕長利谷南入谷有長利故城舊縣也漢水又東歷姚方蓋舜後枝居是處故地畱姚稱也

又東過堵陽縣堵水出自上粉縣北流注之

屬縣也寰宇記云鄖鄉縣古錫穴縣東十里有兜牟山漢中郡與南陽郡分界處此是漢舊縣非唐初所置南豐州

之堵陽也兩漢志無上粉縣疑是曹魏暫置而旋廢者寰宇記房陵縣有粉城因粉水爲名疑卽上粉縣故城此經文晚出之證

堵水自建平郡界故亭谷東歷新城郡一清按寰宇記

平利縣黃平原嶺下圖經云竹山縣郭帶堵水通漢江舟船往來商賈所湊平利縣漢爲漢中郡西城縣地晉上庸郡之上廉縣也堵水源出于此宋書州郡志云建平太守吳孫休永安三年分宜都立晉又有建平都尉武帝咸甯元年改都尉爲郡於是吳晉各有郡故漢建平郡太康元年吳平併合堵水蓋經其界也郡故漢中之房陵縣也世祖建武元年封鄧晨爲侯國也漢末以爲房陵郡魏文帝合房陵上庸西城立以爲新城郡以孟達爲太守治房陵故縣有粉水縣居其上故曰上粉縣也堵水之旁有別谿岸側土色解黃乃云可噉有

言飲此水者令人無病而壽豈其信乎又有白馬山山石似馬望之逼真側水謂之白馬寨孟達爲守登之而歎曰劉封申耽據金城千里而更失之乎爲上堵吟音韻哀切有惻人心今水次尙歌之堵水又東北逕上庸郡故庸國也春秋文公十六年楚人秦人巴人滅庸庸小國附楚楚有災不救舉羣蠻以叛故滅之以爲縣屬漢中郡漢末又分爲上庸郡城三面際水堵水又東逕方城亭而東北歷麥山下而北逕堵陽縣南北流注于漢謂之堵口漢水又東謂之澇灘冬則水淺而下多大石又東爲淨灘夏水急盛川多湍洑行旅苦之故諺曰

冬澇夏淨斷官使命言二灘阻礙也

又東過鄖鄉縣南

一清按漢志漢中郡長利縣有鄖關東
京省併錫縣故續志無之晉太康五年
立為鄖鄉縣此魏晉間人續經之證又按三國志蜀書劉
封申儀俱封員鄉侯則其時雖未立縣而已為侯邑矣

漢水又東逕鄖鄉縣南之西山上有石蝦蟇倉卒看之

與真不別山北有崖旁視之有一穴甚明號為星牖漢

水又東逕鄖鄉縣故城南謂之鄖鄉灘縣故黎也即長

利之鄖鄉矣地理志曰有鄖關李奇以為鄖子國晉太

康五年立以為縣漢水又東逕琵琶谷口梁益二州分

境於此故謂之琵琶界也

又東北流又屈東南過武當縣東北

縣西北四十里漢水中有洲名滄浪洲庾仲雍漢水記

謂之千齡洲非也是世俗語訛音與字變矣地說曰水

出荆山東南流為滄浪之水是近楚都故漁父歌曰滄

浪之水清兮可以濯我纓滄浪之水濁兮可以濁我足

余按尚書禹貢言導滌水東流為漢又東為滄浪之水

不言過而言為者明非他水決入也蓋漢沔水自下有

滄浪通稱耳纏絡鄖郢地連紀都咸楚都矣漁父歌之

不違水地按考經傳宜以尚書為正耳漢水又東為俱

子潭潭中有石磧洲長六十丈廣十八丈世亦以此州

為俱子葬父於斯故潭得厥目焉所未詳也漢水又東

南逕武當縣故城北世祖封鄧晨子堂為侯國內有一碑文字磨滅不可復識俗相傳言是華君銘亦不詳華君何代之士漢水又東平陽川水注之水出縣北伏親山南歷平陽川逕平陽故城下又南流注于沔沔水又東南逕武當縣故城東又東曾水注之水導源縣南武當山一曰太和山亦曰寨上山山形特秀又曰仙室荆州圖副記曰山形特秀異于眾嶽峯首狀博山香爐亭亭遠出藥食延年者萃焉晉咸和中歷陽謝允舍羅邑宰隱遁斯山故亦曰謝羅山曾水發源山麓逕越山陰東北流注于沔謂之曾口沔水又東逕龍巢山下山在

沔水中高十五丈廣員一里二百三十步山形峻峭其上秀林茂木隆冬不凋又東南逕涉都城東北故鄉名也按郡國志筑陽縣有涉都鄉者也漢武帝元封元年封南海守降侯子嘉為侯國均水于縣入沔謂之均口也

又東南過鄧縣之西南

縣治故城南臨沔水謂之鄧頭漢高帝五年封蕭何為侯國也薛瓚曰今南鄉鄧頭是也茂陵書曰在南陽王莽更名南庚者也一清按史表索隱曰音贊縣名屬沛漢書高帝紀注臣瓚曰茂陵書何封國在南陽鄧音贊師古曰瓚說是也而或云何封沛郡鄧縣音才何反非也按地理志南陽鄧縣侯國沛鄧縣水逕主澤卷二十七

水經注卷二十七

不云侯國也又南陽鄧縣城西見有蕭何廟彼土又有
築水築水之陽古曰築陽縣與鄧側近連接何本傳
何薨之後子祿無嗣高后封何夫人同為鄧侯小子延
為築陽侯孝文罷同更封延為鄧侯是知何封鄧國兼
得築陽此明驗也但鄧字別有鄧音是以沛之鄧縣史
記漢書皆作鄧明其音同也班固泗水亭碑以蕭何相
國所封與何同韻于義無爽然其封邑實在南陽非沛
縣也杜少陵詩云漢陰槎頭遠遁逃又云漫釣槎頭縮
頂鰓槎頭即鄧頭也亦作才何音矣

又南過穀城東又南過陰縣之西

泗水東逕穀城南而不逕其東矣城在穀城山上春秋
穀伯綏之邑也墉闐頽毀基塹亦存泗水又東南逕陰
縣故城西故下陰也春秋昭公十九年楚工尹赤遷陰
于下陰是也縣東有縣令濟南劉熹字德怡魏時宰縣

雅好博古教學立碑載生徒百有餘人不終業而夭者

因葬其地號曰生墳泗水又東南得洛溪口水出縣西

北集池陂東南流逕洛陽城北枕洛溪谿水東南注沔

水也一清按高洪謨穀城縣志云洛陽城在縣東一十
三里莫詳何人所築遺址尚存顧祖禹曰蓋南北

朝時所
僑置

又南過築陽縣東築水出自房陵縣東過其縣南流注之

沔水又南汎水流注之水出梁州閬陽縣魏遣夏侯淵

與張郃下巴西進軍宕渠劉備軍汎口即是水所出也

一清按寰宇記房州房陵縣下引水經注汎水作築水
汎口作築口校勘為之辨證曰按今記房陵穀城二縣

所載則築水自房陵流至穀城入沔其會沔處謂之築
口穀城即漢之築陽距房陵尚三百餘里又自房陵至

水經注卷二十七

水經注卷二十七

南鄭千二百餘里夏侯淵張郃屯漢中數暴犯巴界先
主合張飛進兵宕渠與郃等戰于瓦口郃敗收兵還
南鄭漢宕渠故城乃在今渠州流江縣界時張飛以巴
西太守拒郃等還南鄭則常取道今巴西無緣相拒于
穀城之筑口意宕渠自有瓦口而水經注誤以為瓦口
今記又誤以為筑口也宋書州郡志閬陽屬新成郡
治房陵去閬陽必不遠況水不應自閬陽屬新成郡
歷巴渠上庸復遷筑陽水經之誤審矣筑口汎水皆當
在穀城之間竊謂校勘之言似是而非也蓋張飛自拒
淵郃于宕渠先主軍汎口以為聲援非張飛與戰于是
處也汎口左接巴西故駐軍以應接之蜀志之瓦口乃
是汎口之誤而樂史之改筑口則又非矣隋書五代志
房陵郡永清縣有汎水水方輿紀要云乾漢河在穀城西
南三里或以為即汎水也今故流漸湮漢江漲則乾
汎河與古洋河相通水落則乾因名又云古洋河即筑
水口蓋汎水與筑水同入于沔故晉分筑陽置汎陽也
宋志扶風太守汎陽令晉武帝太康五年張飛自別道
立屬南鄉仍屬順陽大明土斷屬此是也

襲張郃於此水郃敗棄馬升山走還漢中

一清按方輿紀要云順慶

府渠縣漢巴郡宕渠縣地東北七里常有八濛山八峯起
伏其下平曠江水環之不匝者一里常有煙霧濛其上
山下有勒石云漢將張飛大破賊首張郃於八濛山飛
所自題也江即渠江則汎水亦是渠江之支流八濛山
即張飛傳所云宕渠汎水又東逕巴西歷巴渠北新城上
渠蒙頭盪石是也
庸東逕汎陽縣故城南晉分筑陽立自縣以上山深水
急枉渚崩湍水陸徑絕又東逕學城南梁州大路所由
也舊說昔者有人立學都於此值世荒亂生徒罔依遂
共立城以禦難故城得厥名矣汎水又東流注于沔謂
之汎口也沔水又南逕關林山東本郡陸道之所由山
東有二碑其一即記關林山文曰君國者不躋高堙下
先時或斷山岡以通平道民多病守長冠軍張仲瑜乃

水經注卷二十七

與邦人築斷故山道作此銘其一郭先生碑先生名輔

字甫成有孝友悅學之美其女為立碑於此隸釋郭先生

諱輔字甫成其先出自周王季之中子為文王卿士

采食于虢望王武錫而封之後世謂之郭春秋之時

為晉所并遭戰國秦漢子孫流分來居荆土氏國立姓

焉傳云聖賢之後必有達者先生應焉其少也孝友而

悅學其長也寬舒如好施是以宗親歸懷鄉鄰高向直

已而行年五十有二遇疾而終有四男三女咸高賢姣

麗富貴顯榮可謂子孫繁者已其季女明文穎川之夫

人也感惟孝妣克昌之德登山采石致亏墓道邑人緇

紳刻石作歌昭示來嗣其辭曰實惟先生號仲之齋盛

德遺禮休矣亦世孝友貞信仁恕好惠直己自求不欲

榮勢綽綽令人獲道之望篤生七子鍾天之祉堂堂四

俊碩大婉敏娥娥三妃行追大如葉景嗣福祿茂止

克昌厥後身去烈左鑄石佗歌昭示萬祀洪氏適日碑

今在襄陽無歲月時代歐陽以為漢趙以為魏晉字書

今碑有兩昭字晉人所諱疑此是魏刻郭君有回子碑

云堂堂四俊碩大婉敏而此碑乃其季女所立何也

竝無年號皆不知何代人也沔水又南逕筑陽縣東又

南筑水注之杜預以為彭水也水出梁州新城郡魏昌

縣界縣以黃初中分房陵立一清按晉志新城郡有昌

也而三國志魏明帝紀筑水東南流逕筑陽縣水中有

作魏陽疑彼文為誤孤石挺出其下澄潭時有見此石根如竹根而黃色見

者多凶相與號為承受石所未詳也筑水又東逕筑陽

縣故城南縣故楚附庸也秦平郢立以為縣一清按

陽郡筑陽縣故穀伯國春秋桓公七年書穀伯綏來朝

是也穀是伯魯蓋近楚之國非楚附庸也道元誤矣

王莽更名之曰宜禾也建武元年世祖封吳盱為侯國

一清按後漢書吳漢傳盱封亦在建武二十筑水又東

八年元字誤也與汝水注吳國文正同

水至主卷二十七

流注于沔謂之鏡口沔水又南逕高亭山東山有靈焉
士民奉之所請有驗沔水又東爲漆灘新野郡山都縣
與順陽鏡陽分界於斯灘矣

又東過山都縣東北

沔南有固城城側沔川卽新野山都縣治也舊南陽之
赤鄉矣秦以爲縣漢高后四年封衛將軍王恬啟爲侯
國沔北有和城卽郡國志所謂武當縣之和城聚山都
縣舊嘗治此故亦謂是處爲故縣灘沔水北岸數里有
大石激名曰五女激或言女父爲人所害居固城五女
思復父怨故立激以攻城城北今淪於水亦云有人葬

沔北墓宅將爲水毀其人五女無男皆悉巨富共修此
激以全墳宅然激作甚工又云女嫁於陰縣恨子家貲
萬金而自少小不從父語父臨亡意欲葬山上恐兒不
從故命言葬我著渚下石磧上恨子曰我由來不奉教
今從語遂盡散家財作石冢積土繞之成一洲長數百
步元康中始爲水所壞今石皆如半榻許數百枚聚在
水中恨子是前漢人襄陽太守胡烈有惠化補塞隄決
民賴其利景元四年九月百姓刊石銘之樹碑于此沔
水又東偏淺冬月可涉渡謂之交湖兵戎之交多自此
濟晉太康中得鳴石于此水撞之聲聞數里沔水又東

水經注釋卷二十七終
逕樂山北昔諸葛亮好爲梁甫吟每所登遊故俗以樂山爲名沔水又東逕隆中歷孔明舊宅北亮語劉禪云先帝三顧臣于草廬之中咨臣以當世之事卽此宅也車騎沛國劉季和之鎮襄陽也與犍爲人李安共觀此宅命安作宅銘云天子命我于沔之陽聽鼓鞀而永思庶先哲之遺光後六十餘年永平之五年習鑿齒又爲其宅銘焉

水經注釋卷二十七終

海甯錢保塘覆校
華陽吳祖椿

水經注釋卷二十八

仁和趙一清誠夫錄

沔水下

沔水又東過襄陽縣北

沔水又東逕方山北

一清按初學記太平御覽引注文作萬山元和郡縣志寰宇記並是萬字廣韻集韻方山上有鄒恢碑沈氏曰晉書鄒恢鎮同萬傳寫作方也是鄒恢魯宗之所立也山下潭中有杜元凱碑元凱好

尙後名作兩碑竝述已功一碑沈之峴山水中一碑下之於此潭曰百年之後何知不深谷爲陵也山水曲之隈云漢女昔遊處也故張衡南都賦曰遊女弄珠於

漢臯之曲漢臯卽方山之異名也沔水又東合檀谿水
水出縣西柳子山下東爲鴨湖湖在馬鞍山東北武陵
王愛其峯秀改曰望楚山谿水自湖兩分北渠卽谿水
所導也北逕漢陰臺西臨流望遠按眺農圃情逸灌蔬
意寄漢陰故因名臺矣又北逕檀谿謂之檀谿水水側
有沙門釋道安寺卽谿之名以表寺目也谿之陽有徐
元直崔州平故宅悉人居故習鑿齒與謝安書云每省
家舅縱目檀谿念崔徐之交未嘗不撫膺躊躇惆悵終
日矣谿水傍城北注昔劉備爲景升所謀乘的顛馬西
走墜于斯谿西去城里餘北流注于沔一水東南出應

劭曰城在襄水之陽故曰襄陽也是水當卽襄水也

清一

按樂史曰荆楚之地水駕山而上者皆呼爲襄其名無定故陸澄之地記曰襄陽無襄水也

城北枕

沔水卽襄陽縣之故城也王莽之相陽矣楚之北津戍也今大城西壘是也其土古鄢都盧羅之地秦滅楚置南郡號此爲北部焉建安十三年魏武卒荊州分南郡立爲襄陽郡荊州刺史治邑居隱賑冠蓋相望一都之會也城南門道東有三碑一碑是晉太傅羊祜碑一碑是鎮南將軍杜預碑一碑是安南將軍劉儼碑竝是學生所立城東門外二百步劉表墓太康中爲人所發見表夫妻其尸儼然顏色不異猶如平生墓中香氣遠聞

三四里中經月不歇今墳冢及祠堂猶高顯整頓城北
枕沔水水中常苦蛟害襄陽太守鄧遐負其氣果拔劍
入水蛟繞其足遐揮劍斬蛟流血丹水自後患除無復
蛟難矣昔張公遇害亦亡劍于是水後雷氏爲建安從
事逕踐瀨溪所留之劍忽于其懷躍出落水初猶是劍
後變爲龍故吳均劍騎詩云劍是兩蛟龍張華之言不
孤爲驗矣危林曰茂先遇害在維安得亡劍沔流考雷次宗豫章記曰張公遇害劍飛入襄城水中郡國志曰南郡在雒陽南千五百里有襄陽縣潁川在雒陽東南五百里有襄城縣酈氏蓋誤以襄城水爲襄陽水也何氏曰道元與吳均同時安得引用其詩疑此書後人附益者多矣一清按南史吳均傳天監初柳惲爲吳興召補主簿當道元之時均名位尙輕文字未必遂行江外義門之言可謂精審矣沔水又逕

平魯城南城魯宗之所築也故城得厥名矣全氏曰城係宗之所

築然則何以云平魯也或是宗之北奔後劉宋以此名之東對樊城仲山甫所封也

全氏曰仲山甫所封之樊在河內所謂陽樊者也非此樊也此城因樊山爲名漢晉春秋稱桓

帝幸樊城百姓莫不觀有一老父獨耕不輟議郎張溫

使問焉父笑而不答溫因與之言問其姓名不告而去

城周四里南半淪水建安中關羽圍于禁于此城會沔

水泛溢三丈有餘城陷禁降龐憲奮劍乘舟投命于東

岡魏武曰吾知于禁三十餘載至臨危受命更不如龐

憲矣城西南有曹仁記水碑杜元凱重刊其後書伐吳

之事也

又從縣東屈西南清水從北來注之

襄陽城東有東白沙白沙北有三洲東北有宛口

一清按通

典樊城有宛水故有宛口之名即清水所入也沔水中有魚梁洲龐德

公所居士元居漢之陰在南白沙世故謂是地為白沙

曲矣司馬德操宅洲之陽望衡對宇懽情自接泛舟蹇

裳率爾休暢豈待還桂柁于千里貢深心于永思哉水

南有層臺號曰景升臺蓋劉表治襄陽之所築也言表

盛遊于此常所止憩表性好鷹嘗登此臺歌野鷹來曲

其聲韻似孟達上堵吟矣沔水又逕桃林亭東又逕峴

山東山上有桓室所築城孫堅死于此又有桓宣碑羊

祜之鎮襄陽也與鄒潤甫嘗登之及祜薨後人立碑於

故處望者悲感杜元凱謂之墮淚碑山上又有征南將

軍胡羆碑又有征西將軍周訪碑山下水中杜元凱沈

碑處沔水又東南逕蔡洲漢長水校尉蔡瑁居之故名

蔡洲洲東岸西有涸湖停水數十畝長數里廣減百步

水色常淥楊儀居上洞楊顛居下洞

一清按松陵集皮日休答陸龜蒙讀

襄陽耆舊傳詩云偉哉洞上隱卓爾隆中稔即指儀顯

所居之地集韻洞烏猛切音管郭璞江賦泓沔洞淥李

善注曰水勢回旋之貌與洞字義同而聲畫殊也豈唐

人所見之者舊傳作洞字耶又按武昌縣有大小回乃

大江回曲處元次山有歌曰樊水欲東流大江又北來

樊山當其南此中為大同叢石橫大江人云是釣臺水

石相衝擊此中為與蔡洲相對在峴山南廣昌里又與

小回回即洞也

襄陽湖水合水上承鴨湖東南流逕峴山西又東南流注白馬陂水又東入侍中襄陽侯習郁魚池郁依范蠡養魚法作大陂陂長六十步廣四十步池中起釣臺池北亭郁基所在也列植松篁于池側沔水上郁所居也又作石湫逗引大池水於宅北作小魚池池長七十步廣二十步西枕大道東北二邊限以高隄楸竹夾植蓮芡覆水是遊宴之名處也山季倫之鎮襄陽每臨此池未嘗不大醉而還恆言此是我高陽池故時人爲之歌曰山公出何去往至高陽池日暮倒載歸酩酊無所知其水下入沔沔水西又有孝子墓河南秦氏性至孝事

親無倦親沒之後負土成墳常泣血墓側人有咏蓼莪者氏爲泣涕悲不自勝于墓所得病不能食虎常乳之百餘日卒今林木幽茂號曰孝子墓也其南有蔡瑁冢冢前刻石爲大鹿狀甚大頭高九尺制作甚工沔水又東南逕邑城北習郁襄陽侯之封邑也故曰邑城矣沔水又東合洞口水出安昌縣故城東北大父山西南流謂之白水又南逕安昌故城東屈逕其縣南縣故蔡陽之白水鄉也漢元帝以長沙卑溼分白水上唐二鄉爲春陵縣光武卽帝位改爲章陵縣置園廟焉魏黃初二年更從今名故義陽郡治也

一清按漢志汝南郡安昌南陽郡春陵本二縣也晉

志云武帝平吳分南陽置義陽郡地形志云義陽郡居安昌城又文帝置後罷晉武帝復寰宇記云義陽郡居安昌城又云石城山甚高峻即呂氏春秋九塞之一也晉于山上置義陽郡其故城在今信陽州西北七十里春陵續志有晉志無時則省廢矣章陵縣後漢嘗立為郡劉表之擅荆州拜蒯越為章陵太守見魏書劉表傳注魏武紀亦云建安二年南陽章陵諸縣復叛為張繡是也逮平荆州得其地嘗以趙儼為章陵太守而後無聞顧景范曰章陵曹魏時省入蔡陽水經注魏黃初二年更章陵為安昌縣誤也雖然猶有說西魏嘗置安昌郡并春陵縣於此蓋道元身後之事然則此文又是後來白水不學人所填補故迷繆其詞以拓跋為當塗也

又西南流而左會昆水水導源城東南小山西流逕金山

山北一清按金山見淮水注又西南流逕縣南西流注于白水

北有白水陂其陽有漢光武故宅基址存焉所謂白水鄉也蘇伯阿望氣處也光武之征秦豐幸舊邑置酒極

權張平子以為真人南巡觀舊里焉東觀漢記曰明帝幸南陽祀舊宅召校官子弟作雅樂奏鹿鳴上自御塤箎和之以娛賓客又于此宅矣白水又西合澧水水出于襄鄉東北陽中山西逕襄鄉縣之故城北按郡國志是南陽之屬縣也澧水又西逕蔡陽縣故城東西南流注于白水又西逕其城南建武十六年世祖封城陽王祉世子本為侯國沈氏曰范史是十三年封應劭曰蔡水出蔡陽東入淮一清按自洞口以下所合之昆水見汝水篇定陵縣下澧水見上卷陽平關下此又以蔡水當白水蔡水見泚水篇三水各有源流不得如酈所云今于此城南更無別水唯是水可以當之川流西注若其不東且淮源岨礙山河無相

入之理蓋應氏之誤耳

一清按道元之言誤矣蓋仲瑗所謂入淮之淮卽下經文出房

陵淮山之淮漢中廬故城在今襄陽府南漳縣東五十里蔡陽故城在棗陽縣西六十里二城相距不遠自有可達之勢今注云云直誤認作出桐洞水又西南流注

于沔水

又東過中廬縣東淮水自房陵縣淮山東流注之

縣卽春秋廬戎之國也縣故城南有水出西山山有石

穴出馬謂之馬穴山漢時有數百匹馬出其中馬形小

似巴滇馬三國時陸遜攻襄陽于此穴又得馬數十匹

送建業蜀使至有家在滇池者識其馬毛色云其父所

乘馬對之流涕

一清按劉昭郡國志補注引襄陽耆舊傳云蜀使有五部兵家滇池者識其馬

色云亡父所乘對之流涕

其水東流一百四十里逕城南名曰浴馬

港言初得此馬洗之于此因以名之亦云乘出沔次浴

之又曰洗馬廐渡沔宿處名之曰騎亭然候水諸蠻北

邊是水南壅淮川以周田漑下流入沔沔水東南逕黎

邱故城西其城下對繕洲秦豐居之故更名秦洲王莽

之敗也秦豐阻兵于黎邱黎邱城在觀城西二里建武

三年光武遣征南岑彭擊豐四年朱祐自觀城擒豐于

黎邱是也沔水又南與疎水合水出中廬縣西南東流

至邵縣北界東入沔水謂之疎口也水中有物如三四

歲小兒鱗甲如鯪鯉射之不可入七八月中好在磧上

自曝膝頭似虎掌爪常沒水中出膝頭小兒不知欲取
弄戲便殺人或曰人有生得者摘其臯厭可以小使名
為水虎者也朱氏謀埠箋曰孫汝澄云臯厭者水虎之
吹景集曰陶隱居刀劍錄漢章帝建初八年鑄一金劍
投伊水中厭人膝之怪引水經語亦與今文小異今伊
水轉為疎水未詳摘其鼻句厭字屬下即厭勝之厭也
太平御覽引十道記云凍水亦名襄水襄沔記云中廬
有凍水注于沔此水有物啖人名曰水虎生得者摘其
鼻可小使之然則疎者凍之誤也荆州記生得者摘其
其鼻厭可小使之名曰水廬合諸書語益明孫云媚藥
何据使云者如黃公之制蛇御虎也又山海經云蔓渠
之音如嬰兒是食人水唐名曰馬腹其狀如人面虎身其
國使兩文虎黑齒國食稻使蛇大荒經焉國中容白民
之國俱使四鳥虎豹熊司幽黑齒元股三身張宏毛
辯今考古今刀劍錄云漢章帝建初八年鑄一金劍投

伊水中厭人膝之怪水經注中廬縣疎水中有物如三
四歲小兒不知欲取戲弄便殺人名為水唐形狀與馬服
類蓋陶惟以水唐釋馬服非便謂疎水即伊水也竊更
有疑者按史陶以宋孝建三年生梁太清二年卒年入
十五太清二年實東魏武定六年西魏大統十四年其
時拓拔氏已分為二道元以孝昌二年被害距通明之
歿才二十二年耳南北殊域鄙書未必遂行江表藉曰
有之不應訛誤若此載籍流傳多舛繆而此等著錄
要為後人羣亂不特水經注有依傳即刀劍錄恐亦非
隱居之舊也寰宇記襄州襄陽縣下云凍水亦名襄水
土人呼凍水上流亦為襄名即無定疎之為凍其誤明
矣

又南過即縣東北

沔水之左有騎城周迴二里餘高一丈六尺即騎亭也
縣故楚邑也秦以為縣漢高帝十一年一清按漢書高

年封黃極忠為侯國縣南有黃家墓墓前有雙石闕
彫制甚工俗謂之黃公闕黃公名尙為漢司徒沔水又
東逕豬蘭橋橋本名木蘭橋橋之左右豐蒿荻于橋東
劉季和大養豬襄陽太守曰沈氏曰當作襄陽太守劉
劉宏晉陽秋字叔和襄陽耆舊傳作季此中作豬屎臭
和晉書本傳又云字和季疑為非也
可易名豬蘭橋百姓遂以為名矣橋北有習郁宅宅側
有魚池池不假功自然通洫長六七十步廣十丈常出
名魚沔水又南得木里水會楚時于宜城東穿渠上口
去城三里漢南郡太守王寵又鑿之引蠻水灌田謂之
木里溝逕宜城東而東北入于沔謂之木里水口也

又南過宜城縣東夷水出自房陵縣東流注之

夷水蠻水也桓溫父名彝改曰蠻水夷水導源中廬縣
界康狼山山與金石相鄰其水東南流歷宜城西山謂
之夷谿又東南逕羅川城故羅國也又謂之鄢水春秋
所謂楚人伐羅渡鄢者也夷水又東南流與零水合零
水即沔水也上通梁州沔陽縣之默城山司馬懿出沮
之所由其水東逕新城郡之沔鄉縣縣分房陵立謂之
沔水又東歷幹鄉謂之幹水晉武帝平吳割臨沮之北
鄉中廬之南鄉立上黃縣治幹鄉沔水又東歷宜城西
山謂之沔谿東流合於夷水謂之沔口也與夷水亂流

東出謂之淇水逕蠻城南城在宜城南三十里春秋莫
敖自羅敗退及鄆亂次以濟淇水是也一清按今本左傳作及鄆亂次
以濟遂無次陸德明音義曰本或作亂次以濟其水九
域志宜城縣有淇水鎮又刪定元豐九域志南漳縣有
漳水沮水淇水鄆水是知夷水又東注于沔昔白起攻
經典釋文誤作其水字也
楚引西山長谷水卽是水也舊場去城一百許里水從
城西灌城東入注爲淵今熨斗陂是也水潰城東北角
百姓隨水流死於城東者數十萬城東皆臭因名其陂
爲臭池後人因其渠流以結陂田城西陂謂之新陂覆
地數十頃西北又爲土門陂從平路渠以北木蘭橋以
南西極土門山東跨大道水流周通其水自新陂東入

城城故鄆郢之舊都秦以爲縣漢惠帝三年改曰宜城

其水歷大城中逕漢南陽太守秦頡墓北墓前有二碑

部郡人也以江夏都尉出爲南陽太守全氏曰都尉非京朝官何以云

出乎此後人逕宜城中見一家東向頡住車視之曰此

所妄加者清按後漢書靈帝紀中平二年春三月江夏兵趙慈反

居處可作冢後卒於南陽殺南陽太守秦頡喪還至昔住車處車不肯進故吏爲

蓋死于兵亂也市此宅葬之孤墳尙整冢前有二碑一清按五字與上

者城南有宋玉宅玉邑人雋才辯給善屬文而識音也

其水又逕金城前縣南門有古碑猶存其水又東出城

東注臭池臭池溉田陂水散流又入朱湖陂朱湖陂亦

下灌諸田餘水又下入木里溝木里溝是漢南郡太守
王寵所鑿故渠引鄆水也灌田七百頃白起渠溉三千
頃膏良肥美更爲沃壤也縣有太山山下有廟漢末名
士居其中刺史二千石卿長數十人朱軒華蓋同會于
廟下荊州刺史行部見之雅歎其盛號爲冠蓋里而刻
石銘之此碑于永嘉中始爲人所毀其餘文尙有可傳
者其辭曰峩峩南岳烈烈離明實敷儻又君子以生惟
此君子作漢之英德爲龍光聲化鶴鳴此山以建安三
年崩聲聞五六十里雉皆屋雒縣人惡之以問侍中龐
季云山崩川竭國土將亡之占也十三年魏武平荊州

河南彫散沔水又逕都縣故城南古郟子之國也秦楚
之間自商密遷此爲楚附庸楚滅之以爲邑縣南臨沔
津津南有石山上有古烽火臺縣北有大城卽楚昭王
爲吳所迫自紀郟徙都之所謂鄆都盧羅之地也秦以
爲縣沔水又東敖水注之水出新市縣東北又西南逕
大陽山西南流逕新市縣北又西南而右合枝水水出
大洪山而西南流逕襄陽都縣界西南逕狄城東南左
注敖水名勝志承天府鍾祥縣下引水經云沔水又東
豐樂水注之敖水枝水又注之今本無豐樂水
之目石倉自釋云按豐樂河源出大洪山西北流逕盤
石嶺溉田甚廣民賴以豐故名敖水源出黃仙洞西南
流合枝水卽今之直河也枝水出橫嶺西北流逕古郟
縣又西南逕狄城西北注敖水所敘最爲詳析足補是

大經注卷二十八

注之亡方輿紀要亦云直河俗誤作池河志云池河即水經所載枝水也敖水又西南流注

于沔是曰敖口沔水又南逕石城西城因山為固晉太

傳羊祜鎮荊州立晉惠帝元康九年分江夏西部置竟

陵郡治此沔水又東南與白水合水出竟陵縣東北聊

屈山一名盧屈山西流注于沔魯定公四年吳師入郢

昭王奔隨濟于城曰謂是水者也

又東過荊城東

沔水自荊城東南流逕當陽縣之章山東山上有故城

太尉陶侃伐杜曾所築也禹貢所謂內方山至於大別

者也既濱帶沔流實會尚書之文矣一清按漢志江夏郡竟陵縣章山在

東北古文以為內方山沔水又東右會權口水出章山東南流逕

權城北古之權國也春秋魯莊公十八年楚武王克權

權叛圍而殺之遷權于那處是也一清按左傳是鬬緡以權叛楚子圍而殺

之叛與殺者皆緡也今注云云殊失本旨且事亦非在莊公十八年左氏特為巴人伐楚作緣起耳東南

有那口城權水又東入于沔沔水又東南與揚口合水

上承江陵縣赤湖江陵西北有紀南城楚文王自丹陽

徙此平王城之班固言楚之郢都也沈氏曰荊州記云昭王十年吳通漳

水灌紀南城決赤湖進灌郢城是紀南城郢城為二也一清按史記索隱楚都郢今江陵北紀南城是平王更

城郢今江陵東北故郢城是楚子革曰我先君僻處荆山以供王事遂遷紀郢郢與紀南為二城明矣而紀南

本號郢酈注亦未盡非城西南有赤坂岡岡下有瀆水東北流入

大經注卷二十八

三

城名曰子胥瀆蓋吳師入郢所開也謂之西京湖又東北出城西南注于龍陂古天井水也廣圓二百餘步在靈谿東江隄內水至淵深有龍見於其中故曰龍陂陂北有楚莊王釣臺高三丈四尺南北六丈東西九丈陂水又逕郢城南東北流謂之揚水又東北路白湖水注之湖在大港此港南曰中湖南隄下曰昏官湖三湖合爲一水東通荒谷荒谷東岸有冶父城春秋傳曰莫敖緼于荒谷羣帥囚于冶父謂此處也春夏水盛則南通大江否則南迄江隄北逕方城西方城卽南蠻府也又北與三湖會故盛宏之曰南蠻府東有三湖源同一水

蓋徙治西府也宋元嘉中通路白湖下注揚水以廣漕運揚水又東歷天井北井在方城北里餘廣員二里其深不測井有潛室見輒兵西岸有天井臺因基舊隄臨際水湄遊憩之佳處也揚水又東北流東得赤湖水口湖周五十里城下陂池皆來會同湖東北有大暑臺高六丈餘縱廣八丈一名清暑臺臺秀宇層明通望周博遊者登之以暢遠情揚水又東入華容縣有靈溪水西通赤湖水口已下多湖周五十里城下陂池皆來會同又有子胥瀆蓋入郢所開也水東入離湖湖在縣東七十五里國語所謂楚靈王闕爲石郭陂漢以象帝舜者

也一清按此是外傳吳語之文湖側有章華臺臺高十丈基廣十五

丈左邱明曰楚築臺于章華之上韋昭以為章華亦地

名也王與伍舉登之舉曰臺高不過望國之氛祥大不

過容宴之俎豆蓋譏其奢而諫其失也全氏曰下有脫文言此

瀆靈王立臺之日漕運所由也其水北流注于揚水揚

水又東北與柞谿水合水出江陵縣北蓋諸池散流咸

所會合積以成川東流逕魯宗之壘南當驛路水上有

大橋隆安三年桓元襲殷仲堪于江陵仲堪北奔繼于

此橋柞谿又東注船官湖湖水又東北入女觀湖湖水

又東入于揚水揚水又北逕竟陵縣西又北納巾吐柘

柘水即下揚水也巾水出縣東一百九十里西逕巾城

下城下置巾水成晉元熙二年竟陵郡上巾水成山得

銅鐘七口言之上府巾水又西逕竟陵縣北西注揚水

謂之巾口水西有古竟陵大城古鄖國也鄖公辛所治

所謂鄖鄉矣昔白起拔郢東至竟陵即此也秦以為縣

王莽之守平矣世祖建武十三年更封劉隆為侯國城

傍有甘魚陂左傳昭公十三年公子黑肱為令尹次于

魚陂者也揚水又北注于沔謂之揚口中夏口也曹太

祖之追劉備於當陽也張飛按矛于長坂備得與數騎

邪趣漢津遂濟夏口是也沔水又東得澹口其水承大

澆馬骨諸湖水周三四百里及其夏水來同浩若滄海
洪潭巨浪縈連江沔故郭景純江賦云其傍則有朱澆
丹灤是也

又東南過江夏雲杜縣東夏水從西來注之

卽臄口也

一清按寰宇記沔陽縣下云周地圖經云夏水合瀦水同入漢水自漢入瀦名爲七里汙

卽屈原逢漁父與言濯纓鼓枻而去是此地全祖望日按下水決入之地曰臄口非有臄水也而記又引荊州圖副及盛宏之說則亦不以爲中夏水縣故邛亭左傳爲有水名瀦也互見夏水篇

所謂若敖娶于邛是也禹貢所謂雲土夢作乂故縣取名焉縣有雲夢城城在東北沔水又東逕左桑昔周昭王南征船人膠舟以進之昭王渡沔中流而沒死于是

水齊楚之會齊侯曰昭王南征而不復寡人是問屈完曰君其問諸水濱庾仲雍言村老云百姓佐昭王喪事於此成禮而行故曰佐喪左桑字失體耳沔水又東合巨亮水口水北承巨亮湖南達于沔沔水又東得合驛口庾仲雍言須導村者舊云朝廷驛使合王喪于是因以名焉今須導村正有大斂口言昭王於此殯斂矣沔水又東謂之橫桑言得昭王喪處也沔水又東謂之鄭潭言鄭武公與王同溺水於是余謂世數旣懸爲不近情矣斯乃楚之鄭鄉守邑大夫僭言公故世以爲鄭公潭耳

水經注

全氏曰同死者是祭公此或以鄭丹遺愛得名

沔水又東得死沔言昭王

濟自是死沔故有死沔之稱王尸豈逆流乎但千古茫

昧難以昭知推其事類似是而非矣全氏曰死沔之死亦如死汝死過死

沙死穀之類皆水之枯者沔水又東與力口合有漚水出竟陵郡新

陽縣西南河地山一清按河地山字誤方輿紀要承天

府沔陽州景陵縣東北七十五里有

回河自府北池河分流經此又東南入于沔水景陵楚

竟陵邑漢屬江夏郡晉末分置宵城縣回河即漚水也

漚回聲相近又府北一十五里有直河俗呼為池河源

出大洪山在京山縣北二十里京山前漢為雲杜安

陸二縣地後漢為雲杜南新市二縣地晉惠帝時析置

新陽縣屬竟陵郡然則池河山即大洪山直河即枝水

也今本誤寫池為地又倒互池河作河地遂難通曉耳

寰宇記鄖州京山縣南有泗水云在縣東四十里東入

復州竟陵界泗河亦即池河之誤道東流逕新陽縣南

元洙水篇注云泗或作池字可證也

縣治雲杜故城分雲杜立漚水又東南流注宵城縣南

大湖又南入于沔水是曰力口沔水又東南湏水入焉

沔水又東逕沌水口水南通沔陽縣之太白湖湖水東

南通江又謂之沌口沔水又東逕沌陽縣北處沌水之

陽也沔水又東逕林鄣故城北一清按林鄣亦作臨嶂

也有臨嶂山在漢陽府西六十里層山臨江盤基數十

里晉于山下置沔陽縣今亦名城頭山有峰曰烏林峯

俗謂之赤壁誤晉建興二年太尉陶侃為荊州鎮此也

也並見江水注

又南至江夏沙羨縣北南入于江

庾仲雍曰夏口一曰沔口矣尚書禹貢云漢水南至大別入江春秋左傳定公四年吳師伐郢楚子常濟漢而陳自小別至于大別京相璠春秋土地名曰大別漢東

山名也在安豐縣南杜預釋地曰二別近漢之名無緣

乃在安豐也案地說言漢水東行觸大別之阪南與江

合則與尚書杜預相符但今不知所是矣一清按方輿紀要漢陽府

下云大別山在府城東北漢江之右一名魯山一名翼際山小別山在漢川縣南十里亦名餽山決水篇廬江雲婁縣之大別山別是一山非禹貢之大別也卷末釋禹貢山水澤地所在仍誤以為在安豐蓋惑于班志而不能別白也

泗水與江合流又東過彭蠡澤

尚書禹貢匯澤也鄭元曰匯同也漢與江鬪轉東成其澤矣

又東北出居巢縣南

古巢國也湯伐桀桀奔南巢即巢澤也尚書周有巢伯來朝春秋文公十二年夏楚人圍巢巢羣舒國也舒叛故圍之永平元年漢明帝更封菑邱侯劉般為侯國也江水自濡須口又東左會柵口水導巢湖東逕烏上城北又東逕南譙僑郡城南又東絕塘逕附農山北又東左會清溪水水出東北馬子峴之清溪也東逕清溪城南屈而西南流歷山西南流注柵水謂之清谿口柵水又東左會白石山水發白石山西逕李鵠城南西南流注柵水柵水又東南積而為竇湖中有洲湖東有韓

縱山全氏曰韓縱即韓綜吳將韓當子事見吳書縱綜字通山上有城山北湖水

東出爲後塘北湖湖南卽塘也塘上有潁川僑郡故城也寶湖水東出謂之寶湖口湖水東出逕刺史山北歷韓縱山南逕流二山之閒出王武子城北城在刺史山上湖水又東逕右塘穴北爲中塘塘在四水中水出格虎山北山上有虎山城有郭僧坎城水北有趙祖悅城竝故東關城也昔諸葛恪帥師作東興隄以遏巢湖傍山築城使將軍全端畱略等各以千人守之魏遣司馬昭督鎮東諸侯誕率眾攻東關三城一清按吳書諸葛恪傳云恪以建興元年十月會眾于東興更作大堤左右結山挾築兩城魏命大將胡遵諸葛誕等作浮橋度陣于隄上分兵攻兩城三嗣主傳云全端守西城畱略守東城通鑑陳大建五年遣吳明徹等北伐別將任眾軍于東關克齊東

西二城顧祖禹曰卽諸葛恪所築此云三城按朱然傳云曹公出濡須然備大塢及三關屯大塢卽濡須塢三關卽東興關也是東興本有三城其後元遜更分築兩城耳三字亦非誤也將毀堤遏諸軍作浮梁陳於隄上分兵攻城恪遣冠軍丁奉等登塘鼓譟奮擊朱異等以水軍攻浮梁魏征東湖遵軍士爭渡梁壞投水而死者數千塘卽東興堤城亦關城也柵水又東南逕高江產城南胡景略城北又東南逕張祖禧城南東南流屈而北逕鄭衛尉城西魏事已久難用取悉推舊訪新略究如此又北委折蒲浦出焉柵水又東南流注于大江謂之柵水口

又東過牛渚縣南

一清按牛渚圻名漢未嘗置縣也注云牛渚在姑孰烏江兩縣界中姑孰今當

水經注卷之二十八 河水下
塗縣地烏江廢縣在和州東北四十里蓋夾江南北岸也
寰宇記太平州當塗縣下云淮南記曰吳初以周瑜屯牛
渚晉鎮西將軍謝尚亦鎮此城而牛渚山上有采石戍在
城西北山上之最狹處然則雖未立縣而未嘗無城也縣
字或當作圻又東至石城縣

經所謂石城縣者即宣城郡之石城縣也牛渚在姑孰
烏江兩縣界中也於石城東北減五百許里安得逕牛

渚而方屆石城也蓋經之謬誤也一清按文選殷仲文
南州桓公九井作詩

李善注引水經注云淮南郡之于湖縣南所謂姑孰即
南州矣今本無之姑孰于湖今太平府當塗縣地晉咸
和初僑置淮南郡于此九井山在龍山之南桓溫所鑿
元興二年桓元築禪位壇于九井山北大江在西北梁
承聖初王僧辨討侯景至姑孰景將
侯子鑒度南州于岸挑戰即此處也

分爲二其一東北流其一又過毗陵縣北爲大江

地理志曰毗陵縣舊會稽之屬縣也丹徒縣北二百步

有故城本毗陵郡治也舊去江三里岸稍毀遂至城下

城北有揚州刺史劉繇墓淪于江江即北江也經書在

北則可又言東至餘姚則非考其逕流知經之誤矣清

按大江不得東至餘姚入海道元證經文爲誤是矣而
其下以分江水合爲南江以應餘姚入海之文水名已
殊而其道亦變不特非禹貢三地理志曰江水自石城
江之迹并班志所記亦多不合

東出逕吳國南爲南江胡氏渭曰按志以分江水繫石
城南江繫吳縣至道元始貫穿

爲一條一清按道元依經立注誤以震澤爲南江而又
合分江水言之謂其水得至餘姚入海也遂改竄班書
以就已說且班志云吳故國周太伯所
居六朝時曰吳國道元因改縣曰國也

入爲貴口東逕石城縣北晉太康元年隸宣城郡東合

大谿谿水首受江北逕其縣故城東又北入南江南江
又東與貴長池水合水出縣南郎山北流為貴長池池
水又北注于南江南江又東逕宣城之臨城縣南又東
合注涇水一清按漢志丹陽郡涇縣注韋昭曰涇水出蕪湖南江又東與桐水
合又東逕安吳縣號曰安吳谿又東旋谿水注之水出
陵陽山下逕陵陽縣西為旋谿水昔銍縣人陵陽子明
釣得白龍處後三年龍迎子明上陵陽山山去地千餘
丈後百餘年呼山下人令上山半與語谿中子安問子
明釣車所在後二十年子安死葬山下有黃鶴栖其家
樹鳴常呼子安故縣取名焉晉咸康四年改曰廣陽縣

谿水又北舍東谿水水出南里山北逕其縣東桑欽曰

淮水出縣之東南北入大江全氏曰按漢志丹陽郡陵陽縣下亦引桑欽語今宣

城人呼為小淮水乃東壩之上游也其水又北歷蜀由山又北左合旋谿

北逕安吳縣東晉太康元年分宛陵立縣南有落星山

山有懸水五十餘丈下為深潭潭水東北流左入旋谿

而同注南江江之北即宛陵縣界也南江又東逕甯國

縣南晉太康元年分宛陵置南江又東逕故鄣縣南安

吉縣北光和之末天下大亂此鄉保險守節漢朝嘉之

中平二年分故鄣之南鄉以為安吉縣縣南有釣頭泉

懸湧一仞乃流于川川水下合南江南江又東北為長

瀆歷湖口南江東注于具區

一清接漢志會稽郡吳縣具區澤在西揚州藪古文

以爲謂之五湖口五湖謂長蕩湖太湖射湖貴湖瀾湖

也全氏曰按虞翻說無長蕩湖有洮湖謂長蕩即洮也

其謂五湖祗一大湖者張勃吳錄也朱長文續吳郡圖

經曰道元謂長蕩湖貴湖上湖瀾湖與太湖而爲五蓋

湖游湖梅梁湖金鼎湖胥湖其名皆出于近代也今吳

貴湖即上湖射湖郭景純江賦曰注五湖以漫漭蓋言江水

經緯五湖而苞注太湖也是以左邱明述國語曰越伐

吳戰于五湖是也又云范蠡滅吳返至五湖而辭越斯

乃太湖之兼攝通稱也虞翻曰是湖有五道故曰五湖

韋昭曰五湖今太湖也尚書謂之震澤爾雅以爲具區

方員五百里

禹貢維指曰具區五湖明是兩處而孔傳謂太湖一名震澤正義爲之辭曰徐州浸

藪各異而揚州浸藪同處論其水謂之浸指其藪謂之

澤此說非也葉少蘊云凡言藪者皆人所資以爲利故

日藪以富得名而浸則但水之所鍾揚州之藪爲震澤

今平望入赤震澤之閒水瀰漫而極淺其蒲魚蓮芡之

利人所資者甚廣亦或可隄而爲田與太湖異所以謂

之澤藪然積潦暴至無以洩之則溢而爲害所以謂之

震澤黃子鴻申其義曰今土人自包山以西謂之西太

湖水始淵深自莫釐武山以東謂之南湖水極灘淺蓋

卽古之震澤止以上流相通後人遂混謂之太湖按此

辨周官之藪浸極其明晰班志曰在吳西亦未當孔氏

書傳鄭氏周禮注云在吳南湖有苞山春秋謂之夫椒山有洞室入

地潛行北通瑯邪東武縣俗謂之洞庭旁有青山一名

夏架山山有洞穴潛通洞庭山上有石鼓長丈餘鳴則

有兵故吳記曰太湖有苞山在國西百餘里居者數百

家出弓弩材旁有小山山有石穴南通洞庭深遠莫知
 所極三苗之國左洞庭右彭蠡今宮亭湖以太湖之
 洞庭對彭蠡則左右可知也余按二湖俱以洞庭為目
 者亦分為左右也但以趣矚為方耳既據三苗宜以湘
 江為正是以郭景純之江賦云爰有苞山洞庭巴陵地
 道潛達徬通幽岫窈窕朱彝尊詩話云吳有洞庭山名也郭景純云吳有苞山洞庭巴陵地道潛達徬通幽岫窈窕蓋謂君山有石穴通吳之包山故包山亦以洞庭名鄺善長注水經二湖俱以洞庭為目誤也一清按善長未嘗以吳之洞庭為即楚之洞庭吳中之山曰洞庭故湖亦即其稱既有斯名不可得而沒也朱氏蓋未之審耳山海經曰浮玉之山北望具區
 茗水出于其陰北流注于具區謝康樂云山海經浮玉

之山在句餘東五里

一清按山海經文是又東五百里不云在句餘東五里謝誤引或五

下脫百字耳

便是句餘縣之東山乃應入海具區

一清按此二字誤疑

作句餘

今在餘姚鳥道山西北何由北望具區也以為郭

于地理甚昧矣

一清按全氏曰是蓋以南江當具區然則其川三江而說者又以此水當之何

也吳任臣山海經廣注曰謝言山水微與今時不合未足為據也唐子霞云天目山一名浮玉山與山海經所記句餘道里不差于北望具區之言又合然則謝說誠悠謬也言洞庭南口有羅浮山

高三千六百丈浮山東石樓下有兩石鼓扣之清越所

謂神鉦者也事備羅浮山記會稽山宜直湖南又有山

陰谿水入焉山陰縣西四十里有二谿

一清按此處何以闕入山陰縣

山陰隔越浙江之東茗水在其西鄺以山陰谿水即茗水則具區山之陰所出之水也行間斷爛後人見上有

山陰二字即填入縣字而水道不可問矣東谿廣一丈九尺冬煖夏冷西谿

廣三丈五尺冬冷夏煖二谿北出行三里至徐村合成一谿廣五丈餘而溫涼又雜蓋山海經所謂茗水也北逕羅浮山而下注于太湖故言出其陰入于具區也湖中有大雷小雷三山亦謂之三山湖又謂之洞庭湖楊泉五湖賦曰頭首無錫足蹠松江負烏程于背上懷太湖以當胸岸粵崔巍穹窿紆曲大雷小雷湍波相逐用言湖之苞極也太湖之東吳國西十八里有岸嶺山俗說此山本在太湖中禹治水移進近吳又東及西南有兩小山皆有石如卷筭俗云禹所開牽山也太湖中有

淺地長老云是筭嶺山蹠自此以東差深言是牽山之

溝此山去太湖三十餘里董氏斯張廣博物志曰水經注太湖中穹窿山有銅關今

本無之全氏曰自潛通瑯琊以下皆襲山海經無稽之言而更廣為傳會東則松江出焉上

承太湖更逕笠澤在吳南松江左右也國語曰越伐吳

吳禦之笠澤越軍江南吳軍江北者也虞氏曰松江北

去吳國南五十里江側有丞胥二山山各有廟魯哀公

十三年越使二大夫疇無餘謳陽等伐吳吳人敗之獲

二大夫大夫死故立廟于山上號曰丞胥二王也胥山

上今有壇石長老云胥神所治也下有九折路南出太

湖闔閭造以遊姑胥之臺以望太湖也松江自湖東北

流逕七十里江水奇分謂之三江口禹貢雖指曰南江既入太湖而東為

松江則無更從餘姚入海之理道元曲為此說以應漢志南江在南之文吳越春秋稱范蠡

去越乘舟出三江之口入五湖之中者也此亦別為三

江五湖雖稱一清按下有脫字相亂不與職方同庾仲初揚都

賦注曰今太湖東注為松江下七十里有水口分流東

北入海為婁江東南入海為東江與松江而三此非禹

貢之三江也一清按明此可以辨正蔡九峯書傳之繆吳記曰一江東南行

七十里入小湖為次谿自湖東南出謂之谷水吳記曰

谷水出吳小湖逕由卷縣故城下神異傳曰由卷縣秦

時長水縣也始皇時縣有童謠城門當有血城陷沒為

湖有老嫗聞之憂懼且往窺城門門將欲縛之嫗言其

故嫗去後門將煞犬以血塗門嫗又往見血走去不敢

顧忽有大水長欲沒縣主簿令幹入白令令見幹曰何

忽作魚幹又曰明府亦作魚遂乃淪陷為谷矣因目長

水城水曰谷水也吳記曰谷中有城故由卷縣治也即

吳之柴辟亭故就李鄉構李之地秦始皇惡其勢王令

囚徒十餘萬人汗其土表以汗惡名改曰囚卷亦曰由

卷也吳黃龍四年有嘉禾生卷縣改曰禾興一清按吳書孫權傳

黃龍三年夏由拳野稻自生改為禾興冬十二月丁卯大赦改明年元也則是嘉禾改元定在三年之冬此云

四年字後太子諱和改為嘉興春秋之構李城也谷水

又東南逕嘉興縣城西谷水又東南逕鹽官縣故城南
 舊吳海昌都尉治晉太康中分嘉興立太康地道記吳
 有鹽官縣樂資九州志曰縣有秦逕山秦始皇逕此美
 人死葬于山上山下有美人廟谷水之右有馬罽城故
 司鹽都尉城吳王濞煮海為鹽于此縣也是以漢書地
 理志曰縣有鹽官東出五十里有武原鄉故越地也秦
 于其地置海鹽縣地理志曰縣故武原鄉也後縣淪為
 柘湖又徙治武原鄉改曰武原縣王莽名之展武漢安
 帝時武原之地又淪為湖今之當湖也後乃移此
按一清
 昭補注郡國志曰今計借簿海鹽縣之故治順帝時
 陷而為湖今謂為當湖大旱湖竭城郭之處可識

南有秦望山秦始皇所登以望東海故山得其名焉谷
 水於縣出為澉浦以通巨海光熙元年有毛民三人集

於縣蓋汎於風也
禹貢雖指曰禹貢三江之不明誤自班固始漢志會稽吳縣下云南湖縣南東入海毘陵縣下云北江在東北東入海丹陽縣下云中江出西南東至陽羨入海皆揚州川也蓋北江為經流至江都入海中江由吳松入海南江合浙江入海皆北江之枝瀆也導水明言漢自彭蠡東為北江自彭蠡東為中江誠如班氏所言則蕪湖之中江何以知為江水之所分毘陵之北江何以定為漢水之所獨乎以此當禹貢三江之二雖愚者亦知其非矣又曰漢志丹陽石城縣下云分江之水首受江東至餘姚入海過郡二行千二百里此即南江之源委過郡二謂丹陽會稽也其在吳縣南者即吳松江之南江遂誤以松江當知分江水至餘姚入海者即古之南江為分江至餘姚入海今按大江自西南來至石城枝分為永陽江由吳松入海其經流則東逕毘陵至江都入海毘陵江都最北故謂

之北江石城餘姚最南故謂之南江蕪湖吳縣居二江
之中故謂之中江雖與禹貢導之松江浙源異而流則同也
名次第秩然與郭景純之松江下流不得復析為南江南江
蓋中江貫震澤松江即其下流入具區者乃枝流而東
首受石城之大江其自湖口洩入具區者乃枝流而東
至餘姚入海者其正流也鄺元恐違漢志反以愚烏程
縣南者為枝流而中江盡于荆溪南江即吳松矣非
古人命名之本意也一清按禹貢以漾漢觸大別南入
于江東匯澤為彭蠡東為北江既入揚州之水已治而大
為中江而不言南江但三江既入揚州之水已治而大
別則在荆域于是班固疑之別著三江之道以為南江
在吳南水經更以震澤當之而無中江之目遂與經
異蓋水經所謂江至石城縣分為二其一東北流者
中江也其一過毘陵縣為大江酈以北海江釋之其下
以餘姚入海則其在毘陵縣之北故名之曰北江而東
至中江入海則其南江水道故以經文大江為經流中
江由吳郡入海而南江合浙江入海今據班志而言實則
班志蜀郡湔氏道下云禹貢嶧山在西徼外江水所出
東南至江都入海而廣陵國江都下急著江水祠以應

之及于臨淮郡海陵下復云有江海會祠以明之海陵
江都非揚域乎非中江入海之道乎其于會稽郡之吳
毘陵丹陽郡之蕪湖雖列南北中之名而無禹貢字則
亦可知是秦漢以來現行之川作志者自不關禹迹也
後人乃欲據志以釋經反謂志與經不合則亦誣矣水
經本班志以立文然班志石城之分江水自是分中江
之水而別為一支者至道元始名為南江故云水名已
殊非班固所謂南江也大抵多衰周時以人力為之而
非天地自然節宣之氣可比南江至餘姚與浙江合又
于餘暨東與浦陽合由太湖長瀆口上通臨平湖而東
合浙江之柳浦今其水道多不可問後之釋水者宜無取于此卷也

又東至會稽餘姚縣東入于海

謝靈運云具區在餘姚然則餘暨是餘姚之別名也

曰按餘暨今之蕭山也今餘暨之南餘姚西北浙江與

浦陽江同會歸海但水名已殊非班固所謂南江也郭

景純曰三江者岷江松江浙江也

隋書經籍志水經三卷郭璞撰今失傳

然浙江出南蠻中不與岷江同作者述誌多言江水至

山陰為浙江今南江枝分歷烏城縣南通餘杭縣

禹貢雖指

日徐杭乃則與浙江合故闕駟十三州志曰江水至會

稽與浙江合禹貢雖指曰班固所謂南江者實松江也

江水水經謂之南江者也或以為北江大繆鄺道元篤

信班固故不能無疑于此又曰江水自湖口以東歷烏

程縣南通餘姚與浙江合者其故道亦無可考蓋從烏

甯由浙江以東達于餘姚則必經歸安德清石門界中至海

元嘉及梁大通中以滬瀆不通嘗欲穿渠引吳興之水

以瀉浙江而功卒不立蓋水性就下地勢有所阻也南

江必哀周時吳越以人力為之易致壅塞歷世久遠不

可得詳一清按東樵之言非也以松江為南江正是鄺

注今混作經道元何嘗有疑于此乎且南江與浙江合

由太湖長瀆口上通臨平湖以合浙江自有纏絡何必

載之高地乎通鑑唐乾甯二年楊行密遣安仁義以舟

師至湖州欲渡江應董昌錢鏐遣顧全武守西陵仁義

不得渡胡三省曰自湖州舟行入柳浦可渡西陵又柳

浦即今浙江亭東跨浦橋之浦也劉詢唐書曰隋于餘

杭縣置杭州又自餘杭徙治錢唐又移于柳浦今州城

是又曰柳浦埭即今杭州江干浙江亭浙江自臨平湖

北跨浦橋埭則其時水道尚未盡湮也

南通浦陽江湖南通浦陽江乎此文容有錯繆又於

餘暨東合浦陽江自秦望分派東至餘姚縣又為江也

東與車箱水合水出車箱山乘高瀑布四十餘丈雖有

水旱而澍無增減江水又東逕黃橋下臨江有漢蜀郡

太守黃昌宅橋本昌創建也昌為州書佐妻遇賊相失

後會于蜀復修舊好江水又東逕赭山南虞翻嘗登此

山四望誠子孫可居江北世有祿位居江南則不昌也
 然住江北者相繼代興時在江南者輒多淪替仲翔之
 言為有徵矣江水又逕官倉倉即日南太守虞國舊宅
 號曰西虞以其兄光居縣東故也是地即其雙雁送故
 處一清按寰宇記雙雁棲墓事謂是虞欽即翻之父亦嘗為日南太守此用孔奕會稽志作虞國而寰宇記鄧縣下又引郡國志作陳國蓋陳虞同姓陳國即虞國也江水又東逕餘姚縣故城南縣城是吳將朱然所築也南臨江津北背巨海夫子所謂滄海浩浩萬里之淵也縣西去會稽一百四十里因其句餘山以名縣山在餘姚之南句章之北也江水又東逕穴湖塘湖水沃其一縣竝為良疇矣江水又東

注于海是所謂三江者也故子胥曰吳越之國三江環之民無所移矣但東南地卑萬流所湊濤湖泛決觸地成川枝津交渠世家分夥故川舊瀆難以取悉雖粗依縣地緝綜所纏亦未必一得其實也一清按此篇經注多脫誤容有後人

附益之辭
讀者審之

水經注釋卷二十八終

海甯錢保塘 華陽吳祖椿 覆校

水經注釋卷二十九

仁和趙一清誠夫錄

潛水

湍水

均水

粉水

白水

泚水

潛水出巴郡宕渠縣

潛水蓋漢水枝分潛出故受其稱耳今爰有大穴潛水

入焉通岡山下西南潛出謂之伏水

全氏曰伏水劉昭補注郡國志引蜀

都賦注以為復出水一清按韻會復伏流也或作泚今漢水之分流者名蘆泚而其地又名白泚是亦復出水之義也唐置徵科巡院于白泚鎮在潛江縣界道元故單釋伏為潛也或以為古之潛水

鄭元曰漢別為潛其穴本小水積成澤流與漢合大禹

白導漢疏通即為西漢水也故書曰沱潛既道劉澄之稱白水入潛然白水與羌水合入漢是猶漢水也縣以延熙中分巴立宕渠郡蓋古賓國也今有賓城縣有渝水夾水上下皆賓民所居漢祖入關從定三秦其人勇健好歌儻高祖愛惜之今巴渝儻是也縣西北有不曹水南逕其縣下注潛水曹水出東北南入潛徐谷不縣有車騎將軍馮緄桂陽太守李溫冢太子之靈常以三月還鄉漢水暴長郡縣吏民莫不于水上祭之今所謂馮李也

又南入于江

庾仲雍云墊江有別江出晉壽縣即潛水也其南源取

道巴西是西漢水也禹貢錐指曰左思蜀都賦云演以潛涑劉逵注潛水與郭璞同劉昭

於犍為武陽下引蜀都賦注以爲潛水從縣南流至漢嘉縣入大穴中大繆漢志巴郡宕渠縣有潛水西南入潛水經潛水出巴郡宕渠縣又南入于江注與郭璞說同下文又引康成之言以爲證按宕渠故城在今順慶府渠縣界郪道元云宕渠水即潛水規出南鄭縣南巴嶺謂之北水東南流逕宕渠縣謂之宕渠水又東南入于漢規今渠縣之渠江源出夔州府太平縣東南頃池自南江通江二縣界西南流至合州入嘉陵江著是也此水本出山源不出于漢徧考近志其地亦無所謂大穴通岡山下者且漢志云西南入潛潛即禹貢之潛也水經改云入江故郪援郭鄭之說以此水爲禹貢之潛氏所言主漢壽與宕渠無涉移彼入此舛繆殊甚且此水源出巴嶺巴嶺在南鄭縣百餘里綿亘深遠高聳千尋冬夏積雪不消包孤雲米倉山行者必三日始達于之南路通經州中有孤雲米倉山行者必三日始達于

水經注釋 卷二十九

嶺王韶之所謂孤雲兩角去天一握其嶮如此禹必不以爲貢道潛不在宕渠無疑矣一清按漢志潛水西南入江與水經合不云入瀾其入瀾者不曹水也東樵何以誤引而繆證之

湍水元遺山集曉發石門渡湍水出酈縣北芬山南流過

其縣東又南過冠軍縣東

湍水出宏農界翼望山水甚清徹東南流逕南陽酈縣

故城東史記所謂下析酈也漢武帝元封元年封左將

黃同爲侯國一清按史表是下酈侯左將軍黃同索隱

誤漢表云左將黃同則左將是官不疑又漢表是下酈侯師古曰酈音孚然表明云南陽則酈縣是也若作孚

音則在馮翊矣亦爲誤也湍水又南菊水注之水出西北石澗山芳

菊谿亦言出析谷蓋谿澗之異名也源傍悉生菊草潭

澗滋液極成甘美云此谷之水土滄挹長年司空王暢

太傅袁隗太尉胡廣竝及飲此水以自綏養是以君子

留心甘其臭尚矣菊水東南流入于湍一清按漢志宏

出黃谷鞠水出析水俱東至酈入湍水師古湍水又逕

日鞠水卽今所謂菊潭也黃水見丹水注

其縣東南歷冠軍縣西北有楚場高下相承八重周十

里方塘蓄水澤潤不窮湍水又逕冠軍縣故城東縣本

穰縣之盧陽鄉宛之臨駢聚漢武帝以霍去病功冠諸

軍故立冠軍縣以封之水西有漢太尉長史邑人張敏

碑碑之西有魏征南軍司一清按魏晉之際軍中有軍

是也又有軍司杜預行平東將軍領征張詹寰宇記墓

南軍司是也胡三省曰軍司軍司馬也

墓有碑碑背刊云白楸之棺易朽之裳銅鐵不入凡何

日凡古丹字俗本作凡誤也器不藏嗟矣後人幸勿我傷自後古墳

舊家莫不夷毀而是墓至元嘉初尚不見發六年大水

蠻饑始被發掘說者言初開金銀銅錫之器朱漆雕刻

之飾爛然有二朱漆棺棺前垂竹簾隱以金釘墓不甚

高而內極寬大虛設白楸之言空負黃金之實雖意錮

南山甯同壽乎湍水又逕穰縣為六門陂漢孝成之世

南陽太守召信臣以建昭五年斷湍水立穰西石碣至

元始五年更開三門為六石門故號六門碣也

元帝紀年成帝則有建始之號漢書循吏傳信臣由南陽太守遷河南太守徵為少府立碣事在元帝之世無

疑故平帝元始四年祀百辟卿士有益于民者九江以

召父其時信臣已卒至五年更開三門為六門碣又別

是一事而道元遂言之清水注云昔在晉世杜預繼信

臣之業復六門之陂直以元始所開亦信臣之遺規則

誤矣溝洫志又云宣帝時鄭宏召信臣為南陽太守

守豈久歷宣元之世不易其任故能成其功業耶

新野昆陽三縣五千餘頃漢末毀廢遂不修理晉太康

三年鎮南將軍杜預復更開廣利加於民今廢不修矣

六門側猶有六門碑是部曲主安陽亭侯鄧達等以太

康五年立湍水又逕穰縣故城北又東南逕魏武故城

之西南是建安三年曹公攻張繡之所築也

又東過白牛邑南

湍水自白牛邑南建武中世祖封劉嵩為侯國

一清按章懷後

水經注卷二十九

漢書注云白牛蓋鄉亭之號在鄧州東

湍水又東南逕安衆縣故城南縣

本宛之西鄉漢長沙定王子康侯丹之邑也

一清按史表丹以元

朔四年封湍水東南流湍水注之水出涅陽縣西北岐棘山

東南逕涅陽縣故城西漢武帝元封四年封路最爲侯

國全氏曰漢表涅陽侯最朝鮮相路人子似失其姓又云在齊地理志齊郡無涅陽未詳其義又史表呂勝

亦封涅陽索隱曰縣屬南陽則漢表疑誤抑或食邑在齊耶王莽之所謂前亭也應

劭曰在涅水之陽矣縣南有二碑碑字紊滅不可復識

云是左伯豪碑涅水又東南逕安衆縣塌而爲陂謂之

安衆港魏太祖破張繡于是處與荀彧書曰繡過吾歸

師迫我死地蓋于二水之間以爲訟涉之艱阻也涅水

又東南流注于湍水

又東南至新野縣東入于清

湍水至縣西北東分爲鄧氏陂漢太傅鄧禹故宅其奉

朝請西亭侯鄧晨故宅隔陂鄧颺謂晨宅略存焉

均水出淅縣北山南流過其縣之東

袁宇記鄧州內鄉縣下云析水卽水經之

均水也出析縣北南入于沔謂之均口郡國縣道記析水逕析縣東今析水逕縣西蓋酈氏之經有誤矣

均水發源宏農郡之盧氏縣熊耳山山南卽修陽葛陽

二縣界也 一清按魏書地形志析州修陽郡雙峯齊秀

望若熊耳因以爲名齊桓公召陵之會西望熊耳卽此

山也太史公司馬遷皆嘗登之縣卽析之北鄉故言出

縣北也一清按經文是均水又東南流注逕其縣下南

越南鄉縣又南流與丹水合

又南當涉都邑北南入于沔

均水南逕順陽縣西漢哀帝更為博山縣明帝復曰順

陽應劭曰縣在順水之陽今于是縣則無聞於順水矣

章帝建初四年封衛尉馬廖為侯國晉太康中立為順

陽郡縣西有石山南臨均水均水又南流注于沔水謂

之均口者也一清按通鑑釋文辨誤云孫恂曰均水名

或曰均口或曰均口後人遂連均均二字言之謂為均

北均水于此入沔謂之均口或从水作均韻會均字下

云隋置均州取均水名是均即均史承水經之誤曰均

口晉桓溫伐秦水軍自襄陽入均口是也或又曰均均

口齊陳顯達攻魏馬圈軍入均均口是也均口及均均

云自是史誤東樵猥故地理志謂之育水言熊耳之山

育水出焉又東南至順陽入于沔一清按漢志宏農郡

南至順陽入沔育水即均水非自鄧入沔之清水也書

敘指南曰水經均州地名曰龍井今龍井之本見沔水

篇清溪注中均之為育益可信矣

粉水出房陵縣東流過郢邑南

粉水導源房陵東流注上粉縣一清按上粉縣不知何

志皆無之豈曹氏所置而旋廢者與寰宇記房陵縣有

粉城沔水篇經注均有是縣此與沮水篇之臨沮縣同

一卷中之取此水以漬粉則皓耀鮮潔有異眾流故縣

水皆取名焉

水經注釋卷二十九

六

又東過穀邑南東入于沔

粉水至筑陽縣西而下注于沔水謂之粉口粉水旁有文將軍冢墓隧前有石虎石柱甚修麗閭邱羨之為南陽葬婦墓側將平其域夕忽夢文諫止羨之不從後羨之為楊佺期所害論者以為文將軍之崇也

白水出朝陽縣西東流過其縣南

王莽更之為厲信縣應劭曰縣在朝水之陽今朝水逕其北而不出其南也蓋邑郭淪移川渠狀改故名舊傳遺稱在今也

又東至新野縣西東入于清

泚水出泚陽東北大胡山東南流逕其縣南泚水從南來

注之一清按泚陽漢志續志皆作比陽誤也應劭曰比水東入蔡或是傳寫之訛後漢書光武紀與甄阜梁邱賜戰于此水西章懷注云泚水在今唐州泚陽縣南廬江灣縣亦有泚水與此別也泚音比竟作比字矣大非

大胡山在泚陽北如東三十餘里廣員五六十里張衡

賦南都所謂天封大胡者也一清按太平御覽引注文作大狐又云胡一作狐南

陽圖經云山有大石如狐范史樊英傳作壺山音同通用應劭曰泚水出泚陽縣東

入蔡經云泚水從南來注之然泚陽無泚水蓋誤引壽

春之泚泚耳余以延昌四年蒙除東荊州刺史州治泚

陽縣故城城南有蔡水出南磐石山故亦曰磐石川西

北流注於泚非泚水也呂氏春秋曰齊令章子與韓魏

攻荆荆史唐蔑應之夾泚而軍欲視水之深淺荆人射之而莫知也有芻者曰兵盛則水淺矣章子夜襲之斬蔑于是水之上也泚水又西澳水注之水北出莒邱山東流屈而南轉又南入于泚水按山海經云澳水又北入視不注泚水余按呂忱字林及難字爾雅竝言灤水在泚陽脈其川流所會診其水土津注宜是灤水音藥一清按此二字乃注中注也也泚水又西南歷長岡舊月城北泚水右會馬仁陂水水出無陰北山泉流競湊水積成湖蓋地百頃謂之馬仁陂陂水歷其縣下西南竭之以溉田疇公私引裂水流遂斷故瀆尚存泚水又南逕會口與

堵水枝津合泚水又南與澧水會澧水源出于桐柏山

與淮同源而別流西注故亦謂水為派水澧水西北流

逕平氏縣故城東北王莽更名其縣曰平善城內有南

陽都鄉正衛彈勸碑一清按金石錄作衛彈碑詳見卷三十一卷澧水注衛為碑下澧

水又西北合澧水水出湖南北山一清按疑有誤文抑亦是大胡之南也山

南曰陽水北曰陽即湖陽之北山也西流北屈逕平氏城西而北入澧水

澧水又西注泚水泚水自下亦通謂之為派水昔漢光

武破甄阜梁邱賜于泚水西斬之于斯水也泚水又南

趙澧二渠出焉泚水又西南流謝水注之水出謝城北

其源微小至城漸大城周迴側水申伯之都也詩所謂

申伯番番既入于謝者也世祖建武十三年封樊重少子丹為謝陽侯即其國也然則是水即謝水也高岸下深浚流徐平時人目之為淳澹水城戍又以淳澹為目非也其城之西舊棘陽縣治故亦謂之棘陽城也謝水又東南逕新都縣左注泚水又西南流逕新都縣故城西王莽更之曰新林郡國志以為新野之東鄉故新都者也

又西至新野縣南入于清

泚水于岡南

全氏曰此岡即上注云長岡也

西南流戍在岡上泚水又

西南與南長坂門二水合

一清按坂門水即下板橋水也未知水有二名也抑誤字

也其水東北出湖陽東隆山山之西側有漢日南太守

胡著碑子珍騎都尉尚湖陽長公主即光武之伯姊也廟堂皆以青石為階陛廟北有石室珍之元孫桂陽太守瑒以延熹四年遭母憂于墓次立石祠勒銘于梁石字傾頽而梁字無毀盛宏之以為樊重之母畏雷室蓋傳疑之謬也隆山南有一小山山坂有兩石虎相對夾隧道雖處蠻荒全無破毀作制甚工信為妙矣世人因謂之為石虎山其水西南流逕湖陽縣故城南地理志曰故廖國也竹書紀年曰楚共王會宋平公于湖陽者矣東城中有二碑似是樊重碑悉載故吏人名司馬彪

日仲山甫封于樊因氏國焉爰自宅陽徙居湖陽能治
田殖至三百頃廣起廬舍高樓連閣陂渠灌注竹木成
林六畜放牧魚羸梨果檀棘桑麻閉門成市兵弩器械
貲至百萬其興工造作為無窮之功巧不可言富擬封
君世祖之少數歸外氏及之長安受業齎送甚至世祖
卽位追爵敬侯詔湖陽爲重立廟置吏奉祠巡祠章陵
常幸重墓一清按范史樊宏傳父重字君雲世善農稼
好貨殖王莽末義兵起宏與宗家親屬作營
漸自守老弱歸其水四周城溉城之東南有若令樊萌
中常侍樊安碑一清按隸釋漢故中常侍騎都尉樊君
之碑君諱安字子仲南陽湖陽人也延
熹三年冬十城有城南有數碑無字又有石廟數間依于墓

側棟宇崩毀惟石壁而已亦不知誰之冑族矣其水南
入大湖湖陽之名縣藉茲而納稱也湖水西南流又與
湖陽諸陂散水合謂之板橋水又西南與醴渠合又有
趙渠注之二水上承派水南逕新都縣故城東兩瀆雙
引南合板橋水板橋水又西南與南長水會水上承唐
子襄鄉諸陂散流也唐子陂在唐子山西南有唐子亭
漢光武自新野屠唐子鄉殺湖陽尉于是地陂水清深
光武後以爲神淵西南流于新野縣與板橋水合西南
注于泚水又西南流注于清水也

水經注釋卷二十九終

海甯錢保塘
華陽吳祖椿覆校

水經注釋卷三十

仁和趙一清誠夫錄

淮水

淮水出南陽平氏縣胎簪山東北過桐柏山

山海經曰淮出餘山在朝陽東義鄉西尙書導淮自桐
柏地理志曰南陽平氏縣王莽之平善也風俗通曰南
陽平氏縣桐柏大復山在東南淮水所出也淮均也春
秋說題辭曰淮者均其勢也釋名曰淮章也章繞揚州
北界東至于海也爾雅曰淮爲潁然淮水與醴水同源
俱導西流爲醴東流爲淮自一清按下有脫文潛流地下三十

許里東出桐柏之大復山南謂之陽口水南即復陽縣也闕駟言復陽縣湖陽之樂鄉也元帝元延二年置在桐柏大復山之陽故曰復陽也東觀漢記曰朱祐少孤歸外家復陽劉氏山南有淮源廟廟前有碑是南陽郭苞立又二碑並是漢延熹中守令所造文辭鄙拙殆不可觀集古錄曰桐柏廟碑磨滅雖不甚而文字斷續粗可考次蓋南陽太守修廟碑也其辭云延熹六年正月乙酉南陽太守中山盧奴君奴下正闕一字當是其姓其後有頌亦可讀第不見太守姓名然不著他事惟修廟祀神爾朱氏彝尊曰碑云盧奴張君特未詳其名其碑甚完好疑為後人所重摹一清按其碑見隸釋第二卷即道元所謂文辭鄙拙殆不可觀者也故經云東北過桐柏也淮水又東逕義陽縣南對固成山山有水注流數丈洪濤

灌山遂成巨井謂之石泉水北流注于淮淮水又逕義陽縣故城南義陽郡治也世謂之白茅城其城圓而不方闕駟言晉太始中割南陽東鄙之安昌平林平氏義陽四縣置義陽郡于安昌城又太康記晉書地道記並有義陽郡以南陽屬縣為名漢武帝元狩四年封北地都尉衛山為侯國也有九渡水注之水出雞翅山磎澗澗委沿遡九渡矣其猶零陽之九渡故亦謂之為九渡焉于溪之東山有一水發自山椒下數丈素湍直注頽波委壑可數百丈望之若霏幅練矣下注九渡水九渡水又北流注于淮

東過江夏平春縣北

淮水又東油水注之水出縣西南油溪東北流逕平春縣故城南漢章帝建初四年封子全為王國淮水又東逕曲岸北有一土穴徑尺泉流下注沿波三丈入于油水亂流南屈又東北注于淮淮水又東北逕成陽縣故城南漢高帝十二年封定侯奚意為侯國王莽之新利也魏成陽郡治淮水又東北與大木水合水西出大木山山即晉車騎將軍祖逖自陳留將家避難所居也其水東逕成陽縣北而東入于淮淮水又東北流左會湖水傍川西南出窮溪得其源也淮水又東逕安陽縣故

城南江國也嬴姓矣今其地有江亭春秋文公四年楚

人滅江秦伯降服出次日同盟滅雖不能救敢不矜乎

地理志曰漢乃縣之一清按今漢志無此文呂后八年封淮南厲

王子劉勃為侯國朱氏謀璋箋曰孫云按史表文帝八年封王莽之均夏也

淮水又東得澗口水源南出大潰山東北流翼帶三川

亂流北注澗水又北逕賢者山西又北出東南屈逕仁

順城南故義陽郡治分南陽置也晉太始初以封安平

獻王孚長子望本治在石城山上因梁希一清按希字疑誤侵

逼徙治此城齊司州刺史馬鮮卑不守魏置郢州也清

按通鑑梁天監四年魏人聞蔡道恭卒攻義陽益急上遣甯朔將軍馬仙琕救義陽元英縱兵擊之仙琕大敗

而還蔡靈恩勢窮降于魏魏置郢州于義陽梁書本傳
天監四年仙理遷南義陽太守封含淮縣伯仍督司州
 諸軍事正指此事注云馬鮮卑不知傳寫之
 誤也却南北流聞之訛也齊字亦誤當作梁昔常珍奇
 自懸瓠遣三千騎援義陽行事龐定光屯于澗水者也
 澗水東南流歷金山北山無樹木峻峭層峙澗水又東
 逕義陽縣故城北城在山上因倚陵嶺周迴三里是郡
 昔所舊治城城南一十五步對門有天井周一百餘步
 深一丈東逕鍾武縣故城南本江夏之屬縣也王莽之
 當利縣矣又東逕石城山北山甚高峻史記曰魏攻冥
 阨音義曰冥阨或言在郢縣藉山也按呂氏春秋九塞
 其一也澗水逕郢縣故城南建武中世祖封鄧邯為郢

侯按蘇林曰音盲

全氏曰六字注中注

澗水又東逕七井岡南又

東北注于淮淮水又東至谷口谷水南出鮮金山北流

瑟水注之水出西南具山東北逕光淹城東而北逕青

山東羅山西俗謂之仙居水東北流注于谷水谷水東

北入于淮

又東過新息縣南

淮水東逕故息城南春秋左傳隱公十一年鄭息有違

言息侯伐鄭鄭伯敗之者也淮水又東逕浮光山北亦

曰扶光山即弋陽山也出名玉及黑石堪為碁其山俯

曠長淮每有光輝淮水又東逕新息縣故城南應劭曰

息後徙東故加新也王莽之新德也光武十九年封馬
援為侯國外城北門內有新息長賈彪廟廟前有碑面
南又有魏汝南太守程曉碑魏太和中蠻田益宗効誠
立東豫州以益宗為刺史淮水又東合慎水水出慎陽
縣西而東逕慎陽縣故城南縣取名焉漢高帝十一年
封欒說為侯國穎陰劉陶為縣長政化大行道不拾遺
以病去官童謠歌曰悒然不樂思我劉君何時復來安
此下民見思如此應劭曰慎水所出東北入淮慎水又
東流積為焦陂陂水又東南流為上慎陂又東為中慎
陂又東南為下慎陂皆與鴻郤陂水散流其陂首受淮

川左結鴻陂漢成帝時翟方進奏毀之建武中汝南太
守鄧晨欲修復之知許偉君曉知水脈召與議之偉君
言成帝用方進言毀之尋而夢上天天帝怒曰何故敗
我濯子淵一清按後漢書許揚傳作濯龍淵是後民失其利時有童謠
曰敗我陂翟子威及子覆一清按後漢書作反乎覆水經多引異文可竝存也陂
當復明府興復廢業童謠之言將有徵矣遂署都水掾
起塘四百餘里百姓得其利陂水散流下合慎水而東
南逕息城北又東南流入淮謂之慎口淮水又東與申
陂水合水上承申陂于新息縣北東南流分為二水一
水逕深邱西又屈逕其南南派為蓮湖水南流注于淮

淮水又左迤流結兩湖謂之東西蓮湖矣淮水又東右
合壑水水出白沙山東北逕柴亭西俗謂之柴水又東
北流與潭溪水合水發潭谷東北流右會柴水柴水又
東逕黃城西故弋陽縣也城內有二城西即黃城也柴
水又東北入于淮謂之柴口也淮水又東北申陂枝水
注之水首受陂水于深邱北東逕釣臺南臺在水曲之
中臺北有琴臺又東逕陽亭南東南合淮淮水又東逕
淮陰亭北又東逕白城南楚白公勝之邑也又東北去
白亭一十里淮水又東逕長陵戍南又東青陂水注之
分青陂東瀆東南逕白亭西又南于長陵戍東東南入

于淮淮水又東北合黃水水出黃武山東北流木陵關

水注之全氏曰按木陵即左傳之穆陵南史俱作木水導源木陵山西北流

注于黃水黃水又東逕晉西陽城南又東逕南光城南

光郡治又東北逕高城南故弦高國也全氏曰弦高是鄭商安得有國

且非鄭地也將無誤記江黃道柏之姻而妄系以名又東北逕弋陽郡東有虞邱

郭南有子胥廟黃水又東北入于淮謂之黃口淮水又

東北逕褒信縣故城南而東流注之者也

又東過期思縣北

縣故蔣國周公之後也春秋文公十年楚王田于孟諸
期思公復遂為右司馬楚滅之以為縣全氏曰道元似以

君之後而楚滅之誤也是漢高帝十二年以封賁赫為

蓋楚之縣尹故稱公耳

侯國城之西北隅有楚相孫叔敖廟廟前有碑

相孫叔敖碑云楚相孫君諱饒字叔敖本縣人六國

時期思屬楚碑以漢延熹二年五月廿八日立及碑陰

集古錄云孫叔敖碑云名饒字叔敖而史記不著其名

見于他書者亦皆曰叔敖而已微斯碑後世遂不復知

其名饒也洪适曰碑在今光州延熹二年固始令段光

為叔敖作廟所立左氏傳獨言其名饒杜預皆以為叔

敖他書但云孫叔敖此碑獨不見其書撰人名字攷史記

詩蘆浦筆記云孫叔敖碑獨言其名饒未何據劉昌

本傳列于循吏之首獨載君碑不見其書撰人名字攷史記

之埋蛇陰德僅書于劉向新序屬高相事為詳而碑則略

然其文意皆不同碑謂生於季末凡五十始為靈安

莊之後為共康為郊敖歷三世子耶六一年始為靈安

得仕于靈卒後數年而莊復封其子耶六一年始為靈安

其不暇訂正耳續金石錄云碑文可議者三如云叔敖

為相庶人有會閔貞孝之行又云繼伍舉子文之統又

云仕于靈王卒後數年莊王封之夫叔敖相楚當魯宣

公時曾閔在定哀之際援後贊前猶作文者此擬之病

至伍舉後于放四五年間極矣彼云名饒未必有為

莊王之曾孫反序在前外繆極矣彼云名饒未必有為

據也毛奇齡經問曰張燧問淮安閻氏謂孫叔敖即宣

十一年楚之令尹為艾獵也艾獵楚公族即孫叔敖

竝非處士起家為楚莊所舉用者此可說苑新序列女

自是處士凡荀子呂覽史記以及劉向說苑新序列女

傳皆明載其人趙岐舊註原是有據史記孫叔敖傳謂

叔敖楚之處士虞邱相薦于王而代為楚相未詳為何

所人也唯荀子呂覽皆有孫叔敖為期思之鄙人語考

期思本蓼國地即春秋寢邱也漢名寢縣東漢名固始

楚子于宣八年滅蓼而宣十二年即有孫叔敖之名見

于策書則以蓼名期思必蓼滅而後期思之鄙人始得

用虞邱之薦而舉為令尹若云楚公族其誤始于一十

服虔之註左傳而孔氏正義不能辨正左傳宣十一年

有令尹薦艾獵城沂事其明年晉楚戰郟又有令尹孫

叔敖不欲戰事以為兩年相拒不甚遠而只此令尹必

屬一人不知隔歲易官在列國多有之左氏既一日令尹

孫叔敖不欲又曰若事得捷則孫叔敖為無謀矣一稱敖

水經注釋卷三十

七

大經注采淮水

名一稱叔字是必氏孫字叔而敖其名與蔣賈之子明屬兩人乃其所大誤者則以戰邨時隨武子稱有蔣敖而杜預以為即兼稱也其時蔣敖不在軍楚制有令尹太宰二官令尹極尊太宰極卑孫叔令尹豈得與蔣敖太宰合作一人也又章懷後漢書註引皇覽曰楚大夫子思冢在當塗縣東山鄉西去縣四十里子思造芍陂然則非名饒字叔敖矣

淮水又東北淠水注之水出弋陽縣南垂山西北流歷陰山關逕二城閒舊有賊難軍所頓防西北出山又東北流逕新城戍東又東北得詔虞水口西北去弋陽虞邱郭二十五里水出南山東北流逕詔虞亭東而北入淠水又東北注淮俗曰白鷺水東過原鹿縣南汝水從西北來注之

縣即春秋之鹿上也左傳僖公二十二年宋人爲鹿上

之盟以求諸侯于楚建武十五年世祖更封侍中執金吾陰鄉侯陰識爲侯國者也

又東過廬江安豐縣東北決水從北來注之

廬江故淮南也漢文帝十六年別以爲國應劭曰故廬子國也決水自舒蓼北注不于北來也安豐東北注淮者窮水矣又非決水皆誤耳淮水又東谷水入焉水上承富水東南流世謂之谷水也東逕原鹿縣故城北城北側水南谷水又東逕富陂縣故城北俗謂之成閭亭非也地理志曰汝南郡有富陂縣建武二年世祖改封平鄉侯王霸爲富陂侯十三州志曰漢和帝永元九年分

汝陰置多陂塘以溉稻故曰富陂縣也沈氏曰漢志續志後漢書本傳

皆作波波陂字通用谷水又東于汝陰城東南注淮淮水又東北

左會澗水水首受富陂東南流為高塘陂又東積而為

陂水東注焦陵陂陂水北出為銅陂陂水潭漲引瀆北

注汝陰四周隍塹下注潁水焦湖東注謂之澗水逕汝

陰縣東逕荆亭北而東入于淮淮水又東北窮水入焉

水出六安國安豐縣窮谷春秋左傳楚救潛司馬沈尹

戍與吳師遇于窮谷者也川流泄注于決水之右北灌

安豐之左世謂之安豐水亦曰窮水音戎並聲相近字

隨讀轉全氏曰十字注中注流結為陂謂之窮陂塘堰雖淪猶用

不輟陂水四分農事用康北流注于淮京相璠曰今安

豐有窮水北入淮淮水又東為安豐津水南有城故安

豐都尉治後立霍邱戍淮中有洲俗號關洲蓋津關所

在故斯洲納稱焉魏書國志有曰司馬景王征毋邱儉

使鎮東將軍豫州刺史諸葛誕從安豐津先至壽春儉

敗與小弟秀藏水草中安豐津都尉部民張屬斬之傳

首京都即斯津也一清按漢志六安國有安豐縣莽曰美豐又有安風縣莽曰安風亭蓋西

京六安國治安風故莽改國曰安風縣曰安風亭也魏

收地形志揚州有安豐郡霍州有安豐郡治步洛城方

輿紀要安風城在霍邱縣西南三十里郡國志云安風

侯國蓋後漢以封竇融之國都也而別有安豐縣三國

魏置安豐郡治安風縣晉城為郡治杜佑曰霍邱城北

有安風津曹魏安風都尉理毋邱儉敗走安風津見殺

九經注釋 淮水

處也或譌風為豐今注云云直是誤文

又東北至九江壽春縣西泚水洪水全氏曰洪水當作泚水合北流注之又東潁水從西北來流注之

淮水又東左合泚口又東逕中陽亭北為中陽渡水流淺磧可以厲也淮水又東流與潁口會東南逕蒼陵城北又東北流逕壽春縣故城西縣即楚考烈王自陳徙此秦始皇立九江郡治此兼得廬江豫章之地故以九江名郡漢高帝四年為淮南國孝武元狩六年復為九江焉文穎曰史記貨殖傳曰淮以北沛陳汝南南郡為西楚彭城以東東海吳廣陵為東楚衡山九江江南豫

章長沙為南楚是為三楚者也一清按孟康曰舊名江城為西楚師古曰孟說是淮水又北左合椒水水上承淮水東北流逕虵城南又歷其城東亦謂之清水東北流注于淮水謂之清水口者也

又東過壽春縣北肥水從縣東北流注之

淮水于壽陽縣西北肥水從城西北入于淮謂之肥口

淮水又北夏肥水注之全氏曰漢志沛郡城父縣夏肥水東南至下蔡入淮此別是一

水與九江成德之肥水無與也近志稱肥水曰東肥夏肥水曰西肥水上承沙水于城父

縣右出東南流逕城父縣故城南王莽之思善也縣故焦夷之地春秋左傳昭公九年楚公子棄疾遷許于夷

實城父矣取州來淮北之田以益之伍舉授許男田杜預曰此時改城父為夷故傳實之者也言夷田在濮水西者也然則濮水即沙水之兼稱得夏肥之通目矣漢桓帝永壽元年封大將軍梁冀孫桃為侯國者也沈氏曰是永興夏肥水自縣又東逕思善縣之故城南漢章帝章和三年分城父立夏肥水又東為高陂又東為天淙陂一清按天淙陂潁水注作大淙陂字形相近水出分為二流南為夏肥水北為雞陂夏肥水東流左合雞水水出雞陂東為黃陂又東南流積為茅陂又東為雞水呂氏春秋曰宋人有取道者其馬不進投之雞水是也雞水又會夏肥水而亂

流東注俱入于淮淮水又北逕山碛中謂之碛石對岸山上結二城以防津要西岸山上有馬跡世傳淮南王乘馬昇仙所在也今山之東南石上有大小馬跡一十餘所仍今存焉淮水又北逕下蔡縣故城東本州來之城也吳季札始封延陵後邑州來故曰延州來矣春秋哀公二年蔡成公自新蔡遷于州來全氏祖望曰是昭且蔡亦無稱公者謂之下蔡也淮之東岸又有一城即下蔡新城也二城對據翼帶淮濱淮水東逕八公山北山上有老子廟淮水歷潘城南置潘溪成東側潘溪吐川納淮更相引注又東逕梁城臨側淮川川左有湄城淮水

左迺為涓湖淮水又右納洛川於西曲陽縣北水分閭
 溪北絕橫塘又北逕蕭亭東又北鵲甫溪水入焉水出
 東鵲甫谷西北流逕鵲甫亭南西北流注于洛水北逕
 西曲陽縣故城東王莽之延平亭也應劭曰縣在淮曲
 之陽下邳有曲陽故是加西也一清按漢志九江郡曲陽縣莽曰延平亭東海郡曲陽縣莽曰從平師古注兩引應劭在淮曲之陽語此是九江之曲陽續志始加西字東陽之曲陽續志改隸下邳魏書地形志彭沛二郡領南陽中陽洛陽三縣南陽縣有曲陽城是也洛陽即洛澗之陽也洛澗
 北歷秦墟下注淮謂之洛口經所謂淮水逕壽春縣北
 肥水從縣東北注者也蓋經之謬矣考川定土即實為
 非是曰洛澗非肥水也淮水又北逕莫耶山西山南有

陰陵縣故城漢高祖五年項羽自垓下從數百騎夜馳
 渡淮至陰陵迷失道左陷大澤漢令騎將灌嬰以五千
 騎追及之於斯縣者也按地理志王莽之陰陸也後漢
 九江郡治時多虎災百姓苦之南陽宋均朱氏謀緯箋曰按謝承書南陽宗資祖父均知宋均當作宗范書作宋均為守退貪殘進忠良虎悉東渡
 江

又東過當塗縣北過水從西北來注之

淮水自莫耶山東北逕馬頭城北魏馬頭郡治也故當
 塗縣之故城也呂氏春秋曰禹娶塗山氏女不以私害
 公自辛至甲四日復往治水故江淮之俗以辛壬癸甲

為嫁娶日也禹墟在山西南縣即其地也地理志曰當

塗侯國也魏不害以圉守尉捕淮陽反者公孫勇等漢

以封之一清按漢表當塗侯魏不害以圉守尉捕反者

淮陽胡債侯又韓陽侯江喜以圉嗇夫捕反者

故城父令公孫勇侯俱以征和二年十一月封王莽更

此從褚表故當以班史為是江喜褚作江德

名山聚也淮水又東北濠水注之全氏曰此向未是鍾

所謂西濠者也水出莫耶山之東北溪溪水西北引瀆

在懷遠縣界逕禹墟北又西流注於淮淮水又北沙水注之經所謂

蕩蕩渠也淮之西有平阿縣故城王莽之平甯也建武

十三年世祖更封耿阜為侯國郡國志曰平阿縣有富

塗山渠出於荆山之左當塗之右奔流二山之閒而揚

濤北注之春秋左傳哀公七年大夫對孟孫曰禹會諸

侯於塗山執玉帛者萬國杜預曰塗山在壽春東北非

也余按國語曰吳伐楚墮會稽獲骨焉節專車吳子使

來聘且問之客執骨而問曰敢問骨何為大仲尼曰臣

聞之昔禹致羣神於會稽之山防風氏後至禹殺之其

骨專車此為大也蓋邱明親承聖旨錄為實證矣又按

劉向說苑辨物王肅之敘孔子廿二世孫孔猛所出先

人書家語竝出此事故塗山有會稽之名考校羣書及

方土之目疑非此矣蓋周穆之所會矣淮水於荆山北

過水自南注之又東北逕沛郡義城縣東司馬彪曰後

隸九江也

又東過鍾離縣北

世本曰鍾離嬴姓也應劭曰縣故鍾離子國也楚滅之
 以為縣春秋左傳所謂吳公子光伐楚拔鍾離者也王
 莽之蠶富也濠水出陰陵縣之陽亭北全氏曰此所謂
 二濠相近然東濠為大鍾乳所未詳也濠水東北流逕其縣西又屈而南轉東
 逕其城南又北歷其城東逕小城而北流注於淮淮水
 又東逕夏邱縣南又東渙水西入九里注之渙水又東
 南流逕離邱縣故城南又東逕承匡城又東逕襄邑縣

故城南故宋之承匡襄牛之地

一清按漢志注應劭以陳留襄邑為春秋之襄

牛師古引國稱曰襄邑宋地本承匡襄陵鄉應說誤也道元蓋惑于仲瑗不能別也宋襄公之所
 葬故號襄陵矣竹書紀年梁惠成王十七年宋景鼓衛
 公孫倉會齊師圍我襄陵十八年惠成王以韓師敗諸
 侯師于襄陵齊侯使楚景舍來求成公會齊宋之圍即
 於此也西有承匡城春秋會于承匡者也秦始皇以承
 匡卑溼徙縣於襄陵更為襄邑也王莽以為襄平也漢
 桓帝建和元年封梁冀子胡狗全氏曰按胡狗即梁胤當是其小字為侯
 國陳留風俗傳曰縣南有渙水故傳曰睢渙之間出文
 章天子郊廟御服出焉尚書所謂厥篚織文者也禹貢

水經注釋卷三十一
淮水
日厥篚織文疏云漢世陳畱襄邑縣置服官使制作衣服是兗州綾錦美也按水經注云陳畱風俗傳云云襄邑在豫域不當引充
篚為證疏承其繆
渙水又東南逕已吾縣故城南又東逕鄆城北春秋襄公元年經書晉韓厥帥師伐鄭魯仲孫蔑會齊曹邾杞次于鄆杜預曰陳畱襄邑縣東南有鄆城渙水又東南逕鄆城北新城南又東南左合明溝溝水自逢洪陂東南流謂之明溝下入渙水又逕亳城北帝王世紀曰穀熟為南亳即湯都也十三州志曰漢武帝分穀熟置春秋莊公十二年宋公子御說奔于亳者也渙水東逕穀熟城南漢光武建武二年封更始子歆為侯國又東逕陽亭北春秋左氏傳襄公十二年

楚子囊秦庶長無地伐宋師于楊梁以報晉之取鄭也京相璠曰宋地矣睢陽東南三十里有故陽梁城今日陽亭也俗名之曰綠城非矣西北去梁國八十里渙水又東逕沛郡之建平縣故城南漢昭帝元鳳元年封杜延年為侯國王莽之田平也又東逕鄆縣故城南春秋襄公十年公會諸侯及齊世子光于鄆今其地鄆聚是也王莽之贊治矣
一清按漢志沛郡鄆縣莽曰贊治應劭曰音嗟師古曰此縣本為鄆應音
是也申古以來借鄆字為之耳讀皆為鄆而莽呼為贊治則此縣亦有贊音索隱以為蕭何所封邑班固泗水亭碑云文昌四友漢有蕭何序功第一受封于鄆以韻而言似非南陽之鄆又曰何封實在南陽非沛縣也說者引江統徂淮賦以為證此乃渙水又東南逕費亭南統之疏繆不可考覈耳後說是

水經注釋卷三十一

注

漢建和元年封中常侍沛國曹騰為侯國騰字季興譙人也永初中定桓帝策封亭侯此城即其所食之邑也
渙水又東逕鍾縣故城南昔吳廣之起兵也使葛嬰下之渙水又東苞水注之水出譙城北白汀陂陂水東流逕鄆縣南又東逕鄆縣故城南漢景帝中元年封周應為侯國王莽更之曰留城也音多全氏曰二字注中注景帝中元年封縹子應為鄆侯蘇林音多寒反讀如鄆鄆之鄆也史記周縹傳亦引蘇音則但曰音多漢志引孟康之音亦曰多丁度遂造為當何反之音以附會之觀是注則六朝本已如是始於小顏小司馬也又宋祁曰音留蓋承六朝誤本以莽所改之單城為留城之繆若作留音則又添一疑網轉相迷惑不可窮詰矣

又東逕嵇山北嵇氏故居嵇康本姓奚會稽人也先人

自會稽遷于譙之鍾縣改為嵇氏取稽字之上以為姓

蓋志本也嵇氏譜曰譙有嵇山家于其側遂以為氏縣

魏黃初中文帝以鄆成父山桑銓置譙郡故隸譙焉清

按晉志云魏武分沛立譙郡宋志云魏明帝分立又引王餐詩以證是建安中立然則武帝是也注以為黃初蓋文帝受禪之後建苞水東流入渙渙水又東南逕斬立五都譙亦其一耳

縣故城南地理志曰故番鄉也漢高帝破黥布于此縣

舊都尉治王莽之蕪城也水上有古石梁處遺基尚存

渙水又東逕穀陽縣右會八丈故瀆瀆上承汶水南流

注于渙渙水又東逕穀陽戍南又東南逕穀陽縣故城

東北右與解水會水上承縣西南解塘東北流逕穀陽

城南即穀水也應劭曰城在穀水之陽穀水又東北流

注于渙全氏曰先大父贈公曰渙讀如澱胡三省通鑑注引地形志穀陽郡建城縣有澱水丁度曰澱

呼外反一作渙其音同今人呼為澱水即澱水也渙水又東南逕白石戍南逕

城城南浚水注之水首受蘄水于蘄縣東南流逕穀陽

縣八丈故瀆出焉又東合長直故瀆瀆上承蘄水南會

于浚浚水又東南流于浚縣故城北縣有垓下聚漢高

祖破項羽所在也王莽更名其縣曰育城清按漢志注作有成並

誤也此是莽改浚縣曰育城耳師古曰浚音肴是也應劭曰浚水所出音絞經之

絞也全氏祖望曰六字注中注浚水又東南入于淮故應劭曰浚水

南入淮淮水又東至嶮石山潼水注之水首受潼縣西

南潼陂縣故臨淮郡之屬縣王莽改曰成信矣南逕沛

國夏邱縣絕蘄逕夏邱縣故城西王莽改曰歸思也又

東南流逕臨潼戍西又東南至嶮石山西南入淮淮水

又東逕浮山山北對嶮石山梁氏天監中立堰于二山

之間逆天地之心乖民神之望自然水潰淮矣淮水又

東逕徐縣南歷澗水注之水導徐城西北徐陂陂水南

流絕蘄水逕歷澗水西東南流注于淮淮水又東池水

注之水出東城縣東北流逕東城縣故城南漢以數千

騎追羽羽帥二十八騎引東城因四隕山斬將而去即

此處也史記孝惠八年封淮南厲王子劉賜為侯國朱氏

水經注

卷三十一

謀埠箋曰按史記孝文八年封淮南厲地理志王莽更

名之曰武城也池水又東北流歷二山間東北入于淮

謂之池口也全氏曰按胡三省曰今招信軍盱眙縣西淮陵城臨池河池河過淮陵城西北入淮

謂之池河口淮水又東蘄水注之水首受睢水于穀熟城東

北東逕建城縣故城北漢武帝元朔四年封長沙定王

子劉拾為侯國一清按索隱曰表在豫章道元于贛水篇已引之此誤也王莽之多

聚也一清按漢志豫章郡建成縣莽曰蘄水又東南逕多聚道元誤以沛郡之建成當之蘄水又東南逕

蘄縣縣有大澤鄉陳涉起兵于此篝火為狐鳴處也南

則浚水出焉蘄水又東南北入入丈故瀆又東南流長

直故瀆出焉又東入夏邱縣東絕潼水經夏邱縣故城

北又東南逕潼縣南又東南流入徐縣東絕歷澗又東

逕大徐縣故城南又東流注于淮淮水又東歷客山沈氏

日盱眙山古謂之客山逕盱眙縣故城西一清按西字胡渭本作南地理志曰

都尉治漢武帝元朔元年封江都易王子劉蒙之一清按史

表作劉象之此從漢表為侯國王莽更名之曰匡武一清按漢志作武匡淮

水又東逕廣陵歷淮陽城北臨泗水咀于二水之間述

征記淮陽太守治自後置戍縣亦有時廢興也

又東北至下邳淮陰縣西泗水從西北來流注之

淮泗之會即角城也左右兩川翼夾二水決入之所所

謂泗口也

又東過淮陰縣北中瀆水出白馬湖東北注之
 淮水右岸即淮陰也城西二里有公路浦昔袁術向九
 江將東奔袁譚路出斯浦因以為名焉又東逕淮陰縣
 故城北城北臨淮水漢高帝六年封韓信為侯國王莽
 之嘉信也昔韓信去下鄉而釣於此處也城東有兩冢
 西者即漂母冢也周迴數百步高十餘丈昔漂母食信
 于淮陰信王下邳蓋投金增陵以報母矣東一陵即信
 母冢也縣有中瀆水首受江於廣陵郡之江都縣縣城
 臨江應劭地理風俗記曰縣為一都之會故曰江都也
 縣有江水祠俗謂之伍相廟也子胥但配食耳歲三祭

與五岳同全氏曰子胥為浙江神今錢塘吳山祠廟香
 火甚盛而大江之上杳然不知其亦主風濤
 之患也觀范史張禹傳及章懷注所引水經注逸文可
 見故山謙之南徐州記其于廣陵之曲江亦俱以為大
 江而不專主浙舊江水道也昔吳將伐齊北霸中國自
 廣陵城東南築邗城城下掘深溝謂之韓江亦曰邗溟
 溝自江東北通射陽湖地理志所謂渠水也西北至末
 口入淮射陽一清按漢志廣陵國江都縣渠水首受江北至
 射陽入湖禹貢錐指曰閤百詩四書釋地曰左
 傳哀九年吳城邗溝通江淮杜預明謂于邗江築城穿
 溝東北通射陽湖西北至末口入淮乃引江達淮與孟
 子排淮入江不合直至隋文帝開皇七年丁未開山陽
 瀆煬帝大業元年丁丑開邗溝皆自山陽至揚子入江
 水流與前相反蓋孟子後九百餘歲其言始驗若預為
 之兆者亦一異事又云漢志江都渠水首受江北至射
 陽入湖水經注中瀆水首受江自廣陵至山陽入淮是
 其水乃自南入北非自北入南也且以邗溝既開言之

孟子云淮注江非誤然班固言渠水入湖而不言入淮頗有分判撰水經者乃云淮水過淮陰縣北中瀆水出白馬湖東北注之鄗道元遂以此水直至山陽口入淮而其說牢不可破矣竊疑高郵寶應地勢最卑若釜底然邗溝首受江水東北流至射陽湖而止杜預云自射陽西北至末口入淮此不過言由江達淮之糧道耳路可通淮而水不通淮也水經殆不如地志之確今按江淮自吳關邗溝以後水流逕通但與隋人所開有順逆之分胡氏云路可通淮水不通淮語自永和江都水亦有病末口今注疏本作宋口非是

斷其水上承歐陽

全氏曰胡三省曰江淮之間地名歐陽見于史者非一處吳喜使蕭道成雷軍

歐陽在淮陰界裴邃拒長孫稚欲營歐陽則在壽春境上蕭正美為侯景柵歐陽斷援軍在今真州界邗溝之所承也而會稽郡

烏程縣亦有歐陽引江入埭六十里至廣陵城楚漢之間為東陽郡高祖六年為荆國十一年為吳城即吳王

濞所築也景帝四年更名江都武帝元狩三年更曰廣

陵王莽更名郡曰江平縣曰安定城東水上有梁謂之

洛橋中瀆水自廣陵北出武廣湖東陸陽湖西二湖東

西相直五里水出其間下注樊梁湖舊道東北出至博

芝射陽二湖西北出夾耶乃至山陽矣至永和中患湖

道多風陳敏因穿樊梁湖北口下注津湖

一清按魏書

蔣濟傳作精今山陽逕渡渡十二里方達北口直至夾耶興甯中復

以津湖多風又自湖之南口沿東岸二十里穿渠入北

口自後行者不復由湖故蔣濟三州論曰

一清按蔣子穿溝更鑿白馬瀨百里渡湖者也自廣陵出山陽白馬

湖逕山陽城西即射陽縣之故城也應劭曰在射水之

陽漢高祖六年封楚左令尹項纏一清按師古為侯國

也王莽更之曰監淮亭世祖建武十五年封子荆為山

陽公治此十七年為王國一清按方輿紀要淮安府山

地後漢屬廣陵郡晉義熙中置縣為山陽郡治以境內

有山陽津而名又云山陽瀆在淮安府城東古邗溝也

其入淮處謂之末口後漢書山陽王荆光武帝子初封

山陽公進爵為王後以西羌反徙封廣陵曰廣陵思王

也荆封本不在淮南酈氏蓋以廣陵地近致誤而不知

山陽郡縣之名起于典午潛邱割記曰後漢河內郡有

山陽縣又山陽郡治昌邑荆封或郡或邑不可定唯其

為金鄉之山陽或河內之山陽方以西羌有警徙居東

南廣陵若如今山陽去廣陵三百里耳何取乎其徙封

一清按范史廣陵思王傳荆以飛書事顯宗遣其出止

河南宮是未嘗就國也時西羌反荆不得志冀天下有

變私迎能星者與之謀議帝聞之乃徙封廣陵遣之國

蓋荆潛居京邸包藏禍心是以屏之遠方以絕其邪謀

東京皇子皆封郡王則似金鄉之山陽為是酈氏之言

未明遂啓後城本北中郎將庾希所鎮中瀆水又東謂

人之惑爾

之山陽浦又東入淮謂之山陽口者也

又東兩小水流注之

淮水左逕泗水國南故東海郡也徐廣史記音義曰泗

水國名漢武帝元鼎三年初置都鄒四年封常山憲王

子思王商為國沈氏曰漢志云元鼎四年別為泗水國

而表作二年封己自不合是注又復參

差史記漢興以來將相名臣年表商以四年封則志是

而表非也又泗水國無鄒縣其都即凌縣善長亦誤

地理志曰王莽更泗水郡為順水凌縣為生麥凌水注

之水出凌縣東流逕其縣故城東而東南流注於淮是

水經注卷二十一

三

水經注釋 淮水

曰凌口也應劭曰凌水出縣西南入淮即經之所謂小水者也

又東至廣陵淮浦縣入於海禹貢錐指曰淮浦漢屬臨淮郡其故城在今淮安府安東縣西地理志云淮水至淮陵入海注疏本訛為睢陵唯水經云至淮浦縣入海又曰淮陵故城在今盱眙縣西八十里此地理志云淮陰去海一百四十五里而志云淮陰入海者之訛又云淮陰去海一百四十五里而志云淮陰入海者亦猶江都去海甚遠而浦氏道下云江水東南至江都入海不言海陵也全氏曰東樵之言非也地志以淮水之入海系之淮陵而以淮水所分之游水系之淮浦水經則但言淮浦以游水即淮水也漢志水經其實一也說者謂盱眙去海尚遠不知淮水至此而止其東即枝分之游水故班固曰淮陵也何得改曰淮陰乎一清按山海經海內東經淮水出餘山餘山在朝陽東義鄉西入海淮浦北與水經應

應劭曰淮涯也蓋臨側淮濱故受此名淮水出縣故城

東王莽更名之曰淮敬淮水于縣枝分北為游水厯胸

縣與流合又逕胸山西山側有胸縣故城秦始皇三十

五年于胸縣立石海上以為秦之東門一清按漢志云秦始皇立石海上

上以為東門闕古今注云闕觀也說文云門觀也蓋古象魏之制秦皇立石海上狀如宮門之闕也史記始皇紀云立石東海上胸縣界中崔珍述初賦曰倚高艦以

以為秦東門据此是無闕字

周昞兮觀秦門之將將者也東北海中有大洲謂之郁

洲山海經所謂郁山一清按今本山在海中者也言是

山自蒼梧徙此云山上猶有南方草木今郁洲治故崔

季珪之敘述初賦言郁洲者故蒼梧之山也心悅而怪

之間其上有仙士石室也乃往觀焉見一道人獨處休

水經注釋 卷三十

休然不談不對顧非已也即其賦所云吾夕濟于郁

州者也一清按寰宇記東海縣下引水經注曰胸縣東

北海中有大洲謂之郁洲有道者學徒十人游

于蒼梧鬱洲之上數百年皆得至道其山自蒼梧徙至

東海上今猶有南方草木生焉故崔瑗述初賦曰郁州

者故蒼梧之山也古老傳言此島人皆先是麋家之隸

今存牛欄一村舊是麋家莊牧猶枯祭之呼曰麋郎臨

祭之日必著犁鐮執耕鞭又言初娶婦者必

先見麋郎否則為崇此等文句今皆缺失矣

游水又北

逕東海利成縣故城之東故利鄉也漢武帝元朔四年

封城陽共王子嬰為侯國王莽更之曰流泉游水又北

歷羽山西地理志曰羽山在祝其縣東南尚書曰堯時

日全氏曰時日二字四岳得舜進十六族殛鯀于羽山

是為禱杙與驩兜三苗共工同其罪故世謂之四凶鯀

既死其神化為黃龍全氏曰按晉語作黃龍能似熊

春秋又作朱龍若黃龍則入于羽淵是為夏郊三代祀

之故連山易曰有崇伯鯀伏于羽山之野者是也游水

又北逕祝其縣故城西春秋經書夏公會齊侯于夾谷

左傳定公十年公及齊平會于祝其實夾谷也服虔曰

地二名王莽更之曰猶亭縣之東有夾口浦游水左逕

瑯琊計斤縣故城之西一清按計斤縣杜預謂之計基

城樂史云即左傳所謂介根城

皆音之地理志曰莒子始起于此後徙莒有鹽官故世

謂之南莒也海水又東北逕贛榆縣北東側巨海有秦

始皇碑在山上去海一百五十步潮水至加其上三丈

水經注釋

卷三十一

三

去則三尺所見東北傾石長一丈八尺廣五尺厚三尺
八寸一行一十二字游水又東北逕紀鄆故城南春秋
昭公十九年齊伐莒莒子奔紀鄆莒之婦人怒莒子之
害其夫老而託紡焉取其纊而夜緹絕絕鼓譟城上人
亦譟莒共公懼啓西門而出齊遂入紀故紀子帛之國
穀梁傳曰吾伯姬歸于紀者也杜預曰紀鄆地二名東
海贛榆縣東北有故紀城卽此城也游水東北入海舊
吳之燕岱常泛巨海憚其濤險更沿溯是瀆由是出地
理志曰游水自淮浦北入海爾雅曰淮別爲游游水亦
枝稱者也

水經注釋卷三十終

水經注釋 卷三十

海甯錢保塘 華陽吳祖椿 覆校

